

# WANTOK

NIUSPEPA BILONG OL PAPUA NIUGINI STREET

36 pes

Namba 883

Wik i stat long Fonde 6 Jun, 1991

40 toea

## Yunitek na Goroka bai op gen



Redi long Mosbi So • Tupela yangpela ya bilong Morobe, Sandra Tisam na Sophie S. Jack i bilas gut tru na redi long kukim 1991 Mosbi So graun long dispela wiken. Tupela bai hatim wantaim ol lapun long Moltaka. Foto: Francis Ullau.

long Tunde...tasol UPNG long Mosbi i laik go het na protes long pe bilong ol palamen memba na sinia pablik sevan

### SAM VULUM I raitim

OL STUDEN bilong yunivesiti long Lae (Unitech) na Goroka Tisa Koles bai go bek long skul long Tunde neks wik.

Ol studen lida bilong dispela tupela skul i tokaut long dispela taim ol i bungim Praim Minista Rabbie Namaliu na minista bilong Edukesen, Utula Samana long asde, Trinde 5 Jun, 1991.

Ol yunivesiti studen bilong Lae na Goroka wantaim ol lain long Yunivesiti bilong Papua Niugini (UPNG) na ol narapela bikpela gavman skul long kantri i bin protes long las wik na dispela wik bihain long palamen i tok orait long apim pe bilong ol memba na ol sinia pablik sevan.

Ol studen i bin pasim toktok long noken go bek long skul inap long taim nesenel gavman i kibung gen long asde (Trinde) na senisim tingting bilong en.

Presiden bilong Studen Representativ Kaunsil (SRC) long UNITECH, Albert Korere i tok taim ol i go bek long Lae na Goroka bai ol i holim kibung wantaim olgeta studen na tokim ol long go bek long skul.

Korere wantaim namba tu presiden bilong Nesenel Yunien ov Studen (NUS), Tony Kludapalo i tokaut olsem Praim Minista, Spika bilong palamen Dennis Young na Kuskus bilong palamen Simon Pentanu i tokaut pinis long senisim dispela tingting bilong Gavman long mun Julai.

Na tu ol i bin kisim kopi bilong ol dispela toktok em i bin kamap long redio na long ol niuspepa. "Mipela i bungim Praim Minista na minista Samana pinis na painimaut olsem dispela toktok bilong ol i tru long p haus palamen," ol i tok.

Tupela lida wantaim i pasim tok

olsem:

• skul bai stat gen long 11 Jun;  
• ol i bilip olsem ol i no inap long kisim wanem samting ol i laikim isapos ol i kamapim trabel.

Tasol ol i tok sapos palamen i no senisim tingting bilong en, bai ol i go het long mekim ol narapela samting.

Praim Minista Namaliu i tok em wantaim Edukesen minista Utula Samana i amamas tru long pasin ol studen lida i mekim. Bikos dispela em i gutpela rot na ol narapela skul i mas bihainim.

Ol i tok Gavman i no inap long larim ol studen i pretim pablik nating. Na sapos dispela i kamap, bai ol plisman i stapim aninit long lo. Ol i tok bai olgeta pablik sevan wantaim ol bisnis bai go het long wok long tude na tumora.

Tasol ol studen bilong UPNG nau i no laik pinis long straik. Ol bai go het long lusim skul yet. Ol i laikim olgeta gavman opis na bisnis haus i mas pas long tude na tumora.

Ol UPNG studen i bin kukim gen narapela ka bilong gavman long Tunde nait. Na ol studen i tok long kukim ol bikpela haus long yunivesiti. Olsem na 100 plisman nau i was long olgeta hap bilong yunivesiti.

Praim Minista i tok dispela wok-about bilong ol plisman long yunivesiti i bihainim lo. Ol bai lukautim ol haus na ol pipel.

Plis Kominisa Ila Geno i tok ol plisman bai stap long yunivesiti inap olgeta samting i stret gen. Narapela 100 plisman i bin go insait long Unitech long Tunde nait na kisim bek l2-pela ka bilong Gavman.

Komisina Geno i tok i no gat wanpela ripot yet long pait namel long ol plisman na ol studen long tupela yunivesiti wantaim. Na tu em i tok ol studen lida i givim tok promis olsem ol bai i no inap holim ol protes mas gen.

• Sas bilong Burege paul - pes 2

• Toktok bilong kilim man kamap gen - pes 3

• Prais bilong kakao go antap - pes 4


• PNGBC sakim K500,000 bilong Saten Hailans-pes 5



• Noten zon resis ripot long Kainantu


• Intasiti Kap fiva i stap yet - Kundiawa laik katim nek bilong Vipers

• Ol Pas Spesel - 3 pes



## DAIHATSU STRONGPELA

DISPELA DELTA TRAK I GUTPELA LONG OL KAIN ROT BILONG YUMI. LUKIM DISPELA LONG ELA MOTORS NAU!



ELA MOTORS

ELA MOTORS I SAPOTIM YUN JUNG DO



PORT MORESBY 229400 • LAE 428000 • BAKAU 011800 • MADANG 827180 • GOROKA 721840 • MT HAGEN 511880 • WEWAK 862700  
POPONDETTA 297280 • KAVIENG 842132 • KIMBE 530190 • TABUULU 508800 • VANIMO 871254 • PONGERA 198283

MEMBER OF LONG BURNS PHILIP (PNG) LIMITED

EM 3817



# PLIS

## RIPOT

**MOSBI:** Ol plisman i holim pasim wanpela eksevis man bilong Difens Fos ausait long Nesenel Kot long Mosbi long las wik Fraide. Ripot i tok Paul Naru, husat i gat 39 krismas bilong Buin insait long Not Solomon provins i stap nau long han bilong ol plisman.

Ol i sasim em long karim ol kain samting bilong kilim man long pablik ples. Em i bin kamap long Nesenel Kot long las wik Sarere. Naru i baim K200 na i stap wetim kot bilong em nau.

Plis ripot i tok Naru i bin kisim ol samting ya taim em i bin stap olsem wanpela ensinia wantaim Papua Niugini Difens Fos.

**LAE:** Wanpela memba bilong wanpela raskol grup i kisim bagarap na i stap nau long haus sik. Em i kisim dispela bagarap taim em i laik pretim ol sampela pilaia husat i dring bia i stap.

Ripot i tok em i bin kamap wantaim ol arapela wan raskol bilong em na pretim ol pilaia insait long klab wantaim tupela sotgan. Man husat i stap na lukim dispela birua pasin i tok olsem, raskol man ya i soim maus bilong sotgan long ol pilaia na askim ol long givim ki bilong ka. Sapos no gat, em bai sutim ol long sotgan.

Tasol wanpela pilaia i kisim ston na sutim het bilong dispela man. Ol narapela pren bilong dispela pilaia i holim na paitim dispela man nogut tru. Ol arapela raskol man i ranawe. Na pren bilong ol i slip yet long Angau haus sik bilong kisim marasin.

**HAGEN:** Wanpela bikpela kago trak i krungutim wanpela man Is Nu Briten long Sarere nait. Man ya em Patrick Tewai husat i gat 28 krismas na i bilong ples Malaguna Namba 3 klostu long Rabaul taun.

Tewai i marit na i gat wanpela pikinini. Plis ripot i tok Tewai i go kamap long sampela pren long kisim moa bia long Sarere, 7 klok long apinun. Taim em i kamap stret namel long tupela bikpela trak, wanpela i rives na krungutim dispela man ya.

Plis ripot i tok dispela man i bin dai taim ka i sanap antap long em. Ol man i no painim bodi bilong em inap sampela aua bihain.

Ol plisman i painimaut yet long as bilong dispela birua bikos ol man i tok draiva i no rong na dispela birua i kamap.

**RABAUL:** Ol plisman long Rabaul i painim yet 6-pela man husat i bin ranawe long haus kalabus bilong plis stesin long Sarere nait. Plis ripot i tok ol 6-pela man ya i bin stap wet kot tasol ol i ranawe long dispela taim bikos wanpela man i givim wanpela naip long ol.

Ol man ya i yusim dispela naip long pretim ol sekyuriti. Taim ol sekyuriti i opim dua bilong givim apinun kaikai, ol dispela lain i tekov i go insait long bus.

**MOSBI:** Plis ripot i tok olgeta wokman long Waigani i no bin wok long Mande bikos sampela man i bin pretim ol olsem wanpela bom bai pairap long PSA Haus na Sentrel Gavman Haus.

Tok pret ya i kamap long 9 klok long moning. Ol wokman long tupela hap ya i pasim ol dua tasol ol plisman i no painim wanpela bom. Ol plisman i tok olsem ol bai painimaut yet long husat man i bin mekim ol dispela pret toktok.

**LAE:** Ol plisman bilong Lae i painim yet ol man husat i kamap long ANZ Beng na stilim man long las wiken.

Ripot i tok ol dispela man i bin wet i stap long taim long kisim dispela mani. Taim wokman i wokabaut wantaim dispela mani i go insait long beng, ol i pretim em na ranawe long wanpela ka.

**WEWAK:** Ol plisman i painimaut yet long sas bilong Jacob Bob bikos em i bin kilim meri bilong em Madina. Ripot i tok Jacob i bin kikim meri bilong em long sait na em i pundaun. Madina i bin dai taim em i kamap long Dagua haus sik. Ripot i tok dispela birua pasin i bin kamap long las wik Sande long Sawom viles long Is Sepik provins.

# Kot bilong Burege i paul yet

SAM VULUM i raitim

NAU yet i no klia sapos olpela memba bilong Gazelle, Eserom Burege i kamap long kot long rong em i mekim o nogat.

Burege i risain olsem memba long las yia bihain long Ombudsmen Komisn i painimaut olsem em i bin paulim sampela mani bilong Stet.

Siv bilong Plis Prosekyusens, Siv Inspekta Thomas Elluh i tok em i bilip olsem ol sas bilong Burege nau i stap wantaim Frod Skwat bilong Plis Dipatmen. Tasol opis bilong Frod

Skwat i tokaut olsem ol i no kisim yet wanpela sas i ka n long opis bilong Pablik Prosekyuta. Taim *Wantol* i askim long Pablik Prosekyuta, Kina Bona, em i no laik tokaut.

Aninit long lo, Pablik Prosekyuta bai i mas givim ol dispela sas i go long plis long sasim Burege long kot. Dispela long wanem em i risain pinis olsem memba bilong Palamen. Sapos em i stap yet olsem memba bilong Palamen, orait Pablik Prosekyuta bai givim ol sas long Lidasip Traibunel long harim kot bilong Burege.

Inspekta Elluh i tok sapos

dispela ol sas i stap pinis wantaim opis bilong Frod Skwat, bai oli no inap long mekim wanpela samting yet.

Long wanem i gat sampela hevi i kamap long kot bilong narapela olpela memba bilong Aitape/Lumi, Gabriel Ramoi. Mista Ramoi i risain long Palamen long Ombudsmen Komisn i painimaut olsem em i paulim mani bilong Stet o nogat.

Pablik Prosekyuta i givim ol sas bilong Ramoi long ol prosekyuta bilong plis, na kot bilong em i kamap long Boroko Distrik Kot. Kot i sindaun tupela taim, tasol namba tri taim ol loya bilong

Ramoi i laikim bai kot i mas kamap long Suprim Kot.

Suprim Kot bai i skelim sapos Plis i bihainim lo long sasim Ramoi long ol stori, na rekot em ol i kisim long Ombudsmen Komisn. Na tu sapos Pablik Prosekyuta i bihainim lo long givim ol stori na rekot em i kisim long Ombudsmen long plis.

Inspekta Elluh i tok sapos Ramoi i winim Suprim Kot, bai i min olsem ol bai i stat gen long mekim wok painimaut ol yet i go insait long wok bilong Ramoi taim em i stap memba yet. Bihain long dispela bai ol i ken sasim gen Ramoi long kamap long distrik kot.

## Taim bilong sindaun wantaim



**TUPELA wan pisin bilong Kenangl erla long Watabung, Isten Hallans provins i pasim tok pinis long stapim olgeta pait na stap bung wantaim gen.**

Long Tunde 21 Me, 1991 wanpela spesel pils skwat i bin i go antap long Goroka long lukautim bikpela kibung bilong bel isi. Goroka Pils Stesin Komanda, Edward Kinamun na Deputi Prima bilong Isten Hallans, David Mehuwo wantaim Provinsal memba bilong Watabung, Beckson Daulo i bin stap tu long dispela bikpela bung.

Ol paitman bilong Kremana na Yangomul wan

pisin i bin autim moa long 29 sot gan em ol yet i save mekim long ples, na yusim long pait. Ol plisman wantaim bikman na moa long 500 manmerl i bin kamap long lukim dispela bung bilong bel isi.

Tupela wan pisin ya i bin brukim wanpela suga, na mekim promis promis long stap bung gen.

Deputi Prima, David Mehuwo na Goroka Pils Stesin Komanda, Edward Kinamun i amamas long dispela bung. Pait namel long tupela wan pisin i bin stap moa long tupela mun olgeta.

## 25 Nesenel Memba i no kisim mani yet Kot i no inap baim skin bilong Eremas na Lothan



• Suckling..K60,000



• Young ... K65,000



• Bonga .... K30,000

I gat 25 Memba bilong Nesenel Palamen i no kisim yet mani bilong wokim ol rot long eria bilong ol.

Memba bilong Middle Ramu, James Yakip i tokaut olsem Minista bilong Trensport, Anthony Temo i bin givim aut tasol mani long 27 bek bensa memba bilong Gavman.

Mista Yakip i tokaut tu olsem wan wan minista bilong Gavman i bin kisim K75,000 long wokim ol rot long ilekotret bilong ol. Ol narapela 5-pela memba husat i kisim mani em Spika Dennis Young K65,000 Robert Suck-

ling K60,000, Aron Noaio K45,000, Timothy Bonga K30,000 na Peter Gaige K30,000.

Mista Temo i tok sampela ol memba i givim i aplikesen bilong long las yia, tasol Dipatmen bilong em i no gat inap mani long givim olgeta memba long wanpela taim.

Em i tok i no long taim bai wan memba i kisim K2 tasol long wokim rot long ilekoret bilong em. Mista Temo i tok i gat liklik mani tru i stap na ol i traim long skelim bai i inap long olgeta memba.

YAKAM KELO i raitim

STET bai i no inap long baim kompensesen bilong Cathy Eremas na Michael Lathan bihainim kot bilong tupela long sas bilong mekim piksa nogut long las yia.

Nesenel kot jas, Jastis Hinchliffe i tok Stet i no inap long baim kompensesen bikos kot bilong kompensesen i no wankain olsem apil bilong tupela. Kot i tok tu olsem sapos Stet i baim kompensesen long tupela bai ol arapela wankain kot long bihainim bai askim long kisim kompesen.

Nesenel Kot i bin tokaut long dispela long Tunde 4 Jun, bihainim apil kot bilong tupela long stet i baim kompesesen long tupela.

Mausman bilong Jastis T. Hinchliffe, Ian Augere i tok Eremas tupela Lathan i apil long Stet i mas baim kompesesen long tupela, bihain long tupela i win long distrik kot. Tupela i laik bai Stet i mas baim kompensesen long kisim tupela i go na long kot na painimaut olsem i no gat gutpela ripot na rekot bilong sasim tupela.

## NIDA oraitim 3-pela nupela kampani

NESENEL Invesmen Developmen Autoriti (NIDA) long dispela mun i bin tok orait long tripela nupela kampani long wok insait long Papua Niugini.

Ol kampani ya em long Modern Construction Pty Ltd, I.P & O. Camp Services na Currimundi Pty Ltd. Ol kampani ya bai i senisim laisens bilong ol bihain long 10-pela yia long wok.

Modern Construction Pty Ltd bai i wokim ol bris, rot na ol haus. I.P & O. Camp bai i kukim ol kaikai na salim ol bret long ol wokman i wok long ol bikpela maining kem insait long kantri.

Na Currimundi bai i wok long ol bikpela konstraksen long ol maining wok.

NIDA i putim kamap ol sampela lo em ol dispela kampani i mas bihainim taim ol i wok insait long kantri.



# Hiri Moale Festival bai kamap long Septemba

HIRI Moale festival bilong Mosbi long dispela yia bai kamap long mun Septemba. Dispela em long taim bilong ol SP Gems.

Na Hiri Moale Festival komiti i amamas tru olsem Coca Cola kampani i tokaut long givim sponsa long ol inap long tripela yia olgeta. Jenerel menasa bilong Coca Cola, Chris Cameron i bin tokaut long dispela insait long wanpela bung wantaim siaman bilong festival komiti, Adira Gumasa na ol arapela komiti memba bilong em long Ela Bis.

Tasol no gat wanpela bilong ol dispela lain inap tokaut long hamas mani em Coca Cola kampani bai givim. Ol i tokaut tasol olsem Coca Cola kampani bai givim inap mani bilong mekim dispela festival i kamap moa gutpela.

Hiri Moale Festival bai kamap long 14, 15 na 16 Septemba na bai i bikpela moa long ol narapela em i bin kamap bipo.

Siaman bilong Nesenel Kapitel Distrik Komisin (NCDC), Frank Igo i bin tokaut tu long dispela taim olsem long bipo.



**Jamea Gagaoea bilong Tatano I so op liklik wantaim piksa bilong kain kanu ol tumbuna I save yusim bipo. Em bai resis long Hiri Moale festival long Septemba. Foto: Francis Ullau.**

# Ol Arop i wetim yet K1,500 bilong Sandaun provinsal gavman

OL pipel bilong Arop long Aitape Wes Kos long Sandaun provins i wet yet long samting olsem K1,500 em provinsal gavman i promisisim long wokim haus bilong ol dokta long Arop.

Kaunsila bilong Arop, Bernard Solbul i tok dispela em mani bilong 1988 na 1989 wantaim. Solbul i tok ol opisa husat i bin kisim dispela mani i no bin givim long wok em provinsal gavman i makim long en.

Long wankain taim tu, Kaunsila Solbul i tok ol i wet yet long provinsal gavman long baim ol buai, kokonas, mango na ol narapela diwai kaikai bilong ol em ol i bin katim bilong wokim rot.

Em i tok long 1988, provinsal memba bilong ol, Melchior Simbel i tokim ol long klinim dispela rot long Nankeiyen i go long Arop. Simbel i bin tokim wan wan man long kaunim

diwai em i katim na bihain bai ol i kisim pe long en.

Kaunsila i tok, antap long dispela bus i gro gen pinis long hap ol i katim bai rot i bihainim na ol i no save long wanem taim bai ol masin i kam stretim. Em i tok i no dispela rot tasol, wankain samting i kamap long ol ples i karamapim olgeta eria bilong Aitape Wes Kos.

Em i tok provinsal gavman i toktok tu long wokim wanpela vokesenel senta long Arop, tasol ol pipel i laik lukim rot i stret pastaim bihain long skul i kamap.

Em i tok ol lida husat i makim ol i no kamap ples klia na tokaut long wanem samting i wok long kamap nau. Olsem na em i askim ol pipel bilong dispela eria long 1992 ileksen long makim ol man husat i ken makim tru ol pipel na i no long maus tasol.

# Nesenel kot skelim rekot bilong ol eks sodia long kisim pe

NESENELKot skelim nau rekot bilong wan wan eks-soldia na painimaut sapos ol i ken kisim pinis pe bilong ol o nogat.

Suprim Kot long 31 Me i painimaut olsem nesenel gavman i mas bihainim yet tingting bilong Nesenel Kot long baim ol eks-soldia husat i pinis long ami namel long 10 Novemba, 1982 na 7 Epril, 1989. Nesenel Kot Sas, Jastis Brown i tokaut long dispela tingting bilong kot long 26 na 27 Novemba long 1990.

Tasol nesenel gavman i no laik bihainim na em i salim aplikesen i go long Suprim Kot long lukluk gen long dispela tingting bilong Nesenel Kot.

Suprim Kot i sindaun long 30 Me na i painim olsem nesenel gavman i mas baim ol dispela eks-soldia. Jastis Brown i tokim ol eks-soldia long Fraide las wik olsem Suprim

Kot i senisim tingting em i bin tokaut long en pastaim.

Em i tokim ol eks-soldia olsem bai ol i mas kisim pe tasol wanpela samting nau i hat em ol i no save long husat ol soldia tru bai i kisim pe insait long dispela 600 bilong ol olgeta.

Olsem na em i tokim ol eks-soldia long stap isi na em bai wok wantaim loya bilong ol long traim na kisim ol rekot bilong wan wan eks-soldia long hetkwata bilong Papua Niugini Difens Fos (PNGDF) long Murray Bareks.

Jastis Brown i tok tupela opisa bilong ami, Sagen Ben Robi na Letenen Kenel Ben Manoi bai helpim ol long wokim pe bilong ol wan wan eks-soldia. Na i gat bilip olsem ol eks-soldia bai kisim pe bilong ol bihain long pinis bilong dispela wik.

# Nalau bai rausim yet ol Lae setelmen

PRIMIA bilong Morobe provins, Jerry Nalau bai go het long rausim ol setelmen. Maski Nesenel Kot i bin stapim em long mekim olsem.

"Planti ol lain long setelmen i save mekim trabel long siti. Na mi olsem lida bilong provins i mas traim long stapim kain pasin olsem," Nalau i tok.

stapim trabel, narapela han bilong Gavman, em ol kot, i laik sapotim ol lain long ol setelmen na dispela hevi wantaim.

Primia Nalau i tok em i no inap long wet inap long mun Julai bikos ol setelmen i bringim planti hevi long Morobe pinis. Olsem na ol lain long ol dispela hap i mas go bek long ples bilong ol.

Em i skruim toktok olsem nesenel na provinsal gavman wantaim i traim long stapim hevi bilong lo na oda.

Tasol em i no save long wanem as tru na taim palamen i laik

Primia Nalau i tok dispela em i wanpela bikpela hevi we palamen i mas traim long stretim. Na em yet bai i no inap lusim tingting bilong em long go het na rausim ol pipel long ol setelmen insait long Lae siti.

# Toktok bilong kilim ol trabelman bai kamap long Julai kibung bilong palamen

NESENEL Gavman bai go het long kamapim nupela lo bilong oraitim Stet long kilim ol man husat i kilim narapela long Julai kibung bilong palamen.

Dispela nupela lo bai kamap aninit long lo i lukautim ol trabel man ol i kolim Kriminel Kod. Kriminel Kod i wanpela hap bilong mama lo o konstitusen bilong kantri.

Senis bai givim pawa long ol kot long tok orait sapos Stet i ken kilim man husat i kilim narapela o no gat. Tasol pastaim long kot i salim man i go long dai bilong em, kot i mas skelim gut tru as tingting bilong rong em i mekim.

Na tu aninit long senis, man em kot i salim long dai i gat rait long aplai i go long Suprim Kot bilong lukluk gen long las. I gat tripela sas bilong Suprim Kot bai lukautim dispela.

Ol wokman husat i save lukautim ol pepa wok bilong palamen kibung i tokaut olsem ol i redim nau program bilong palamen kibung long unJulai. Ol i tok senis bai kamap long Kriminel Kod i stap tu long program. Program nau i wetim tasol lida bilong Gavman Bisnis, John Giheno long tok orait

long en.

Praim Minista Rabbie Namaliu i bringim kamap dispela senis long las de bilong kibung bilong palamen long mun Me.

Namaliu i tok em i save olsem planti man na meri i no laikim dispela tingting bilong gavman. Tasol em i tok gavman i givim sans long ol long autim tingting bilong ol long memba bilong ol stat long nau inap long mun Julai.

Ol memba bai autim tingting bilong ol sapos dispela em i gutpela rot o nogat long 9 Julai. Bihain long ol memba i autim tingting bilong ol, Palamen bai i vot long en. Sapos planti memba i sapotim bai em i kamap lo.

## FRI BAIBEL KOS YU KEN KISIM SKUL LONG SALIM PAS

Salim nem na edres long: WORLD BIBLE SCHOOL, Dept. VD21, P.O. Box 9346, Austin, TX 78766 USA

VD22





# WANTOK

NIUSPEPA BILONG OL PAPA NIUGINI STRET

## Go bek long skul na wet

I gutpela long mipela i harim olsem ol studen bilong Goroka Tisa Koles na Yunitek long Lae bai go bek long skul long Tunde. Dispela i gutpela bikos em i soim olsem gavman i luksave pinis long askim bilong ol.

Olsem na as tingting bilong demokratik gavman i stap yet. Gavman bilong ol pipel na gavman i kam long ol pipel. Ol pipel i autim bel hevi na wari bilong ol na gavman i lukluk bek long wanem samting em i bin mekim na wanem hap em i go rong.

Mipela ol pipel i sapatim wanem samting ol studen i bin mekim bihain tasol long palamen i tokaut long apim pe bilong ol palamen memba na ol sinia pablik sevan. Tasol bihain long ol dispela hevi, Praim Minista Rabbie Namaliu i kamap ples klia long redio na ol niuspepa na i tokaut long stapim dispela pe long go antap. Ol bai toktok long mun Julai taim palamen i bung gen long rausim dispela tingting.

Ol studen bilong yunivesiti long Mosbi i bin askim Spika long singautim gen palamen bung. Tasol dispela i no inap kamap aninit long lo. Olsem na maski, bikos Namaliu yet i tokaut long pasim dispela toktok bilong apim pe. Na larim i stap inap long mun Julai.

Olsem na i moa gutpela ol studen bilong UPNG i bihainim ol lain bilong Goroka na Lae long go bek na skul. Tingim tu ol eksem na bihain taim bilong yupela. Taim bilong semesta malolo tu i kamap pinis. Yumi go bek long skul na wetim tasol kibung bilong mun Julai.

## Prais bilong kakao i goap

SAM VULUM i raitim

KAKAO Industri Bot i tokaut olsem sapat mani bilong Gavman long wan tan kakao nau i stap olsem K459.61.

Bot i tokaut tu long pe bilong drai bin kakao long Rabaul stat long Tunde las wik Inap long Mande dispela wik.

Pe bilong kokao long stua i stap

olsem long Tunde k602, Trinde K607, Fonde K601, Fraide K655 na Mande K663.

Taim sapat mani i go antap bai prais i stap olsem Tunde K355, Trinde K344, Fonde K344, Fraide K344 na Mande em K460.

Na pe em ol groa i kisim stret taim olgeta ol dispela samting i go bung wantaim em Tunde K946, Trinde K951, Fonde K945, Fraide K999 na Mande K1.123.

## Stail bilong ol Morobe yet!



• Ol yangpela na lapun bilong Beyamo Gwaleam bilong Bukawa long Morobe provins i hatim singsing long Gerehu las wiken.

Ol i redi nau long danis long Mosbi So, em bai i kamap long dispela wiken. Poto Francis Uliau.

## "Papamama em i namba wan skul"

LO na Oda Faundesen i askim ol manmeri long Mosbi siti long strongim wok bilong abrusim birua bilong raskel insait long siti.

Dairekta bilong bilong Lo Oda Faundesen, Ken Egan i mekim dispela toktok long kibung Lo Oda woksap long ples Taikona ples insait long Mosbi long las wik Mande.

Mista Egan i tokim ol manmeri na grup husat i bin kamap long kibung long wok ol i mas mekim long pait wantaim hevi bilong lo na oda. Em i tok bai Faundesen i givim bel long helpim wanem grup wantaim ol samting bilong yusim long pait wantaim dispela hevi.

Em i tok ol papamama long ples i mas mekim bikpela wok long skulim ol pikinini bilong ol gut, na i no ken wet long taim ol i go long skul. Sapos ol papa mama yet i ken stretim ol pikinini bilong taim ol i manki yet, bai ol i ken bikpela wantaim gutpela pasin.

Em i tok tu long ol komyuniti i mas mekim samting long ol yet na i no ken wet long nesenel gavman long go pas long mekim samting olgeta taim.

Narapela man long dispela kibung i tokim ol grup na manmeri tu olsem, ol manmeri long ol setelmen na long ples i mas tokaut long tingting bilong ol. Ol i mas tokaut long tingting bilong ol long hevi bilong lo na oda, na faundesen i ken helpim ol wantaim ol samting bilong yusim.

Dispela program i wok long raun long ol planti hap long skulim ol manmeri long pait wantaim hevi long lo na oda.

Ol grup olsem helt, plis fos, CIS woda, na famili plening grup i tokaut long pepa tu long ol hevi bilong lo na oda insait long kantri.

## Fores wokas yunien bai bungim ol studen long Sarere

WANPELA bung bai kamap namel long ol lain bilong Forestri Wokas Yunien long Bulolo na ol studen bilong Forestri Koles. Dispela bung i bilong toktok long hevi long pe bilong ol palamen memba na minista.

De bilong holim dispela bung em long Sarere, 15 Jun, 1991.

Presiden bilong yunien, Cleopas Yawal i tok wanpela memba bilong Morobe bai sindaun tu long dispela kibung bilong harim ol toktok. Em i askim tu ol pipel bilong Wau, Bulolo na Mumeng long kamap long bung long Sarere.

Ol studen bilong Forestri Koles i bin bihainim ol wanskul bilong ol long ol yunivesiti na arapela koles long protes na lusim skul stat long las wik yet. Na long makim bel hevi bilong ol, ol studen i bin kukim wanpela ka bilong distrik opis. Ol i bin pasim tu PNGBC, Pos Opis, Plis stesin na rejistresen opis wantaim Wail Laip senta long wok long las wik Fonde.

Yawal i tok yunien i sapatim ol studen na tokaut long holim wanpela kibung long Sarere. Na olgeta pipel tu i mas kamap. Bihain long dispela kibung, ol bisnis haus na gavman opis i ken op gen.

# WANTOK

NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Asia pasifik na Japan	K123.00
Amerika na Yurop	K180.00

**BIAS** OL PLAMA FIKSIM PAIP I BRUK DAUNBILO LONG ROT NA OL I PASIM WARA...



BIABIA I NO SAVE NA EM GO KAI-KAIM BUA NA BEL BILONG EM I PAIA STRET...



OL I TOKSAVE LONG BOS NA BOS! GO LOKIM TOILET BILONG OPIS...



EM SUTI GO LONG TOILET NA LUKIM NOTIS LONG DUA...



TARANGU YA GO LONG BUS ARERE LONG OPIS NA MEKIM SAVE LONG HAP.

## Tingim ol yangpela blut

EDNA RAWALI i raitim

YUT grup bilong Kuga ples long Westen Hailans provins i askim gavman long tingim ol yangpela bilong kantri.

Yut lida Benedict Paraka i tok planti yangpela long Papua Niugini i painim olsem ol i no gat ples insait long kantri. Planti i pinis long gret 6 na 10, tasol ol i no gat wok. Na i stat long mekim kainkain pasin nogut nabaut.

Mista Paraka i askim gavman long tingim ol yangpela na kamapim ol wok, long ol insait long ol ples.

## lakoe askim long wok bung

DIPUTI primia, Gariga lakoe i askim ol nesenel memba na provinsal memba long wok bung wantaim long kirapim ol wok developmen long eria bilong ol.

Diputi primia bilong Westen provins, Gariga lakoe i tok nesenel memba bilong ol i no wok bung gut wantaim ol provinsal memba. Mista lakoe i tok Westen provins i gat planti wok developmen ol i laikim long kamap tasol i no qat wok bung wan-

Em i tok sapos ol yangpela i gat wok bai ol i stap isi na i no inap long goinsait long ol taun long painim wok.

Em i tok gavman i mas traim long kamapim ol wok olsem banis pik, kakaruk na ol arapela moa long ol yangpela long ol ples. Dispela i ken daunim ol hevi nau i wok long kamap long ol taun long ol yangpela.

Kuga yut grup i bin kisim bas i go long Lae, na bihain kisim sip i go long Popondeta.

Long Popondeta, ol i wokabout long Kokoda trail i go long Mosbi. Ol i kamap long Mosbi long dispela wik.

taim bilong ol minista na memba bilong provins.

Em i tok long wok developmen bilong rot long Sauten Hailans i go Westen provins, na Oro provins i go long Mosbi i mas kamap. Em i tok long dispela wok i ken kamap aninit long Nesenel Len Transpot program.

lakoe i tok sapos bikpela rot i ken go long Lae na ol Hailans provins, orait wankain tu i ken kamap long Westen provins.





□ I gat wanpela das manki Kerema i save wok wantaim Barclay Bros Pty Ltd long Mosbi. Sampela taim ol man em i wok wantaim i save kolim em "mama dok" o "baptais".

Wanpela de em i gat liklik kros wantaim wanpela pren bilong em long Morobe. Em i kirap na tokim Morobe ya olsem, "Pes bilong yu olsem gekol." Morobe i harim na i no klia gut long tok bilong das manki Kay ya. Olsem na em i kirap na i askim, "Yu tokples o yu tok nogut long mi?". Kerema i kirap bikmaus na tok, "Yu bilong Papua o Niugini? Yu no save long Tok Pisin? Mi tok "gekol". Em ninknik palai gekol.

Samting tru em i laik tok geko na em i asua liklik na i tok....ninknik palai gekol.

Hengi Kibbutz Pearce (PS) Mosbi.

□ Wanpela taim Kanage i slip i stap na moskito i bagarapim em nogut tru. Orait em i go long stoa na baim marasin bilong kilim moskito. Tasol nogat, em i abrus na baim wanpela ret-pela tin pen. Em i kam bek long haus na tokim meri bilong em, "Nau bai ol moskito i no inap bikhet long mi gen. Sapos ol i bikhet bai ol i kisim taim."

Em i kirap nau em i pamim marasin ya long taunam pinis na long olgeta hap insait long haus. Em i pamim marasin tu long ples em pikinini bilong em i save slip long en.

Em i pinisim olgeta pen ya na bihain em i laik lukim ya, olgeta hap bilong haus i ret nogut tru.

Meri bilong em i lukim na bagarapim stret Kanage.

John Hango Wewak.

□ Long ples Milion long Lumi distrik, wanpela lapun i sindaun i stap na lukim wanpela PMV i kam long Lumi stesin na i laik go long Wewak.

Draiva i stap na askim, "Husat i laik go long Wewak?" Man lapun ya i kirap nogut na singautim pikinini meri bilong em olsem, "De - re - sia, De - re - sia, kisim ka i kam hariap, plet i go nau." Na pikinini i bekim, "Papa, mi kisim plet i kam ya, kap i go nau."

Camillus Komey Sandaun

## PNGBC sakim K500,000 bilong Saten Hailans

SIVIL Ensiniaring Woks unit bilong Australia Ami i rausim pinis kontrak bilong ol long wokim na stretim ol rot long Saten Hailans provins.

Ol i mekim olsem bikos PNGBC i no bin oraitim wanpela K500,000 sek mani em provinsal gavman i baim ol long en. Na tu i gat ripot olsem provinsal gavman i no gat inap mani moa long beng akaun bilong en.

Bihain tasol long dispela hevi, PTB i rausim olgeta ka long han bilong provinsal gavman. Ol i larim tasol bilong primia na opis bilong em. Bekim bilong ol long dispela,

"em olsem bilong soim rispek long wok na opis bilong em".

Tasol stori i no pinis long hia. Sampela wik i go pinis taim primia na provinsal seketeri i bin stap long Nu Silan, tupela i makim ol ekt-ing primia na seketeri. Tasol tupela man bilong kisim ples bilong ol i no gat save long

wok bilong pablik sevis na i no holim namba tu olsem ol sinia pablik sevan. Long dispela taim tasol, planti wok i pundaun na ol pablik sevan tu i wok long laik.

No gat man i sekap long wok bilong ol pablik sevan, na sapos ol i kamap long wok o no gat na wanem kain

samting ol i mekim olgeta de. Dispela olgeta samting i no kamap.

Bikpela toktok i sut tu long provinsal gavman olsem em i no baim ol narapela kontrak. Na tu Elcom i katim pawa i go long DPI, long haus sik, na ol opis bilong helt na ol gavman dipatmen.

Ripot i kam long sampela opisa bilong dipatmen i tok olsem oltaim, gavman i save traim suvim nus i go insait long wok bilong pablik sevis. Bikpela tok kros i wok long sut nau long edministresen na klostu bai ol narapela lain gen i tekova bilong traim na stretim Saten Hailans.

### Elcom paia i kukim pikinini

PAIA i bin kukim tripela pikinini long haus bilong ol wokman na meri bilong Elcom long Lae.

Dispela birua i bin kamap long Mande 3 Jun, 1991.

Krismas bilong ol dispela pikinini i stap namel long 3 na 4 yia. Wanpela i bilong Madang na tupela i bilong Samarai. Olgeta i bin stap wantaim long haus taim paia i stat na kukim ol. Dispela em long samting olsem 1 klok long Mande.

Hausmeri i stori olsem em i bin putim kaikai long stov na i go waswas. Long dispela taim, paia i kirap na em i ron i kam ausait na singaut long ol arapela man na meri.

Hausmeri i bin pret wantaim na i no toktok gut. Na tu em i no laik long harim toktok bilong ol arapela man na meri. Ol arapela pipel i kamap tasol paia i go bikpela pinis. Ol i brukim glas bilong haus na hausmeri i kam ausait long en.



Hiri Moale • Bikpela resis bilong Hiri Moale festival bai kamap long mun Septemba. Na dispela ol meri Papua i kamap long soim stail na tok tenkyu long Coca Cola, husat i givim mani long dispela festival. Foto: Francis Uliau.

### Moa lain kisim pepa long yangpela didiman skul

YANGPELA Didiman Mobail Skul i bin pinisim wanpela kos bilong lukautim ol enimal long fam, wokim ol gaden kaikai bilong salim na kisim mani na lukautim haus na kaikai bilong ol lain long famili.

Kos i bin pinis long las wik Fraide long Sipko viles long Tapen, Morobe provins.

Tripela bilong ol 24 man na meri husat i kamap long dispela kos, Herupe Yowa, Lelu Supa na Rani Sailong i bin winim hap pepa bilong wanpela oganaisesen bilong kantri Japan, Peace-Health-Development (PHD), bilong go skul long wok bilong fam.

Insait long dispela trening bilong ol, ol tripela ya bai go long Saut Korea, Tailan na Filipin Ailan. Long ol dispela wokabaut, ol bai stap inap long tripela wik wantaim ol famili husat i gat fam na wok na kaikai wantaim ol. Dispela kain ekspiriens na laip bai inap helpim ol long lainim kain wok ol lain long arapela kantri i save mekim long ol fam bilong ol.

Yangpela Didiman Mobail Skul i bin ranim kos bilong 4-pela meri na 20 man long kain kain wok

bilong lukautim na famim kopi, lukautim ol enimal olsem kau, pik, sipsip, na ol pisin olsem kakaruk na pato, smapim ol kios samting, gutpela kaikai na rot bilong plenim gut famili.

Kodineta bilong Yangpela Didiman Mobail Skul, Steven Makumane i tok dispela ol kos i bilong kamap long ol trening senta bilong Heldsbach long Finsafen na Amron long Madang. Tasol dispela i no kamap bikos ol famili husat i givim nem long kos i painim hat long go. Olsem na ol i kamapim dispela tingting bilong holim kos olgeta yia long ol hap nabaut.

Makumane i tok dispela i gutpela bikos ol pipel inap luksave hariap na tokaut stret long wanem samting ol i laikim. Na ol inap yusim tu wanem samting ol i gat long en bilong helpim sindaun bilong ol.

Dispela em i hap progrem bilong helpim ol fama em Luteran Developmen Sevis i save kamapim long olgeta yia. Em i sut bihainim tingting bilong helpim kristen bilip na bringim gutpela sindaun na amamas long ol pipel.

## Papua Niugini Nesanel Ileksen, Me-Jun, 1992

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.


Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

**Tingim gut, ol gutpela lida i kamap long stretpela vot**

### TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektoretol rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa



Authorised by Reuben Kaiulo, Electoral Commissioner Papua New Guinea

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Iektoretol Opis, Distrik Menesa o Opisa-In-Sas long hap bilong yu.

**Tingim ... lo i tok olsem olgeta Papua Niugini man na meri i mas givim nem bilong vot.**

### OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Iektoretol Opis i stap klostu long hap bilong yu na pulimapim wanpela fom bilong vot nau!

**Tingim gut, givim nem nau! Olsem bai yu gen vot long 1992 ileksen.**



# TU MINIT TINGTING MI NIDIM.....

"Papa bilong yupela i save pinis, yupela i nidim ol dispela." (L 12:30)



ATING planti taim insait long wanpela de yumi save tok olsem: "Mi nidim dispela samting".... "Mi sot long dispela samting".... "Mi laik kisim dispela samting." Sampela taim yumi save tokaut olsem. Sampela taim yumi save opim han tasol bilong kisim samting. Sampela taim yumi inap askim long pasin aigris tasol.

Yumi nidim kaikai, yumi laikim marasin, yumi mas gat ki bilong dua, yumi laik kisim wanpela bairo. Ol dispela i soim olsem, yumi hangamap long planti arapela samting. Na yumi no laik; yumi laik stap independen. Tasol sore, yumi no inap. Long olgeta de yumi save hangamap long planti planti samting. Yumi hangamap long redio na ol nius-

pepa bilong kisim nius. Yumi hangamap long man i draivim bas na i draivim balus na stirim sip. Yumi hangamap long ol plisman, na ol dokta na ol nes na ol tisa na ol papamama. Yumi hangamap long paia na ren na san na gaden na rot na stua.

Yes, yumi save nidim olkain pipel na samting, tasol ol i nidim yumi tu. Na yumi save amamas bikos ol arapela pipel i nidim yumi na i hangamap long yumi. Wanpela bikpela wari i save sotim laip bilong planti manmeri i lapun pinis, em i dispela: ol i pilim olsem, ol pipel i no nidim ol moa. Na nau ol i laik dai.

God tu i nidim yumi. Long taim Jisas i stap long graun, em i bin nidim ol disaipel bilong em, na em

i bin nidim haus na rum bilong wokim las kaikai. Na tu em i bin nidim wanpela donki bilong karim em i go long biksiti Jerusalem. Tude yet, Jisas i nidim yumi. Nau mi laik stori long dispela.

Bihain long woa long wanpela taun long kantri Jemani, ol soldia bilong Amerika i laik helpim ol pipel. Olsem na ol i bungim olgeta liklik liklik hap bilong wanpela bikpela kaving bilong Jisas i King, em bom i bin brukim olgeta. Nau ol i gluim ol bek na i wokim bek dispela kaving bilas i save sanap namel long taun. Bihain long ol i pinisim dispela wok bilong ol, hetman bilong taun i bungim ol pipel bai ol i tenkyu long ol soldia. Tasol ol pipel i kalap nogut long lukim, nau dispela kaving i no gat

han bilong en. Long wanem, ol soldia i no inap painim ol hap bilong wokim bek tupela han.

Orait, nau ol soldia i wokim wanpela liklik sain na putim long as bikong kaving. Na dispela sain i tok olsem long man i ritim: "Mi no gat han. Inap long mi ken yusim tupela han bilong yu?"

Olgeta wan wan man na meri i kamap na ritim dispela sain, ol i go bek nau na ol i tingting planti. Nau dispela kaving i gat moa mining olsem bipo, long taim em i gat tupela han.

Yes, God i nidim yumi long mekim wok bilong em hia long raun. Tasol yumi nidim God tu. Olaboi! Sapos God i no helpim mi na strongim mi, mi no inap muvum han o ai o tang o lek bilong mi. Mi

nidim God long mekim san i kamap na ren i kamdaun. Long strong bilong God mi save pulim win na lukluk na toktok na muvum hanlek. Sapos God i no stap, mi tu mi no stap.

Yumi laikim tumas long harim wanpela man o meri i tok long yumi olsem, "Mi nidim yu long laip bilong mi, wankain olsem mi nidim win na wara na kaikai. Mi nidim yu long inapim laip bilong mi." Kain tok ya i kra i olsem switpela musik long yau bilong yumi.

Na dispela kain tok tu i kra i swit long yau bilong God. Oltaim yumi no ken sem long beten long em na askim, askim.... Dispela i soim olsem: yumi hangamap long God. Em i laikim olsem.

## Luteran bai gat 6-pela nupela rijonal opis gen

ELIZABETH SOLOMON i raitim

LUTERAN Sios bilong Papua Niugini bai sanapim 6-pela nupela rijonal opis long Madang, Isten Hailans, Westen Hailans, Simbu, Finsafen na Lae bilong ol alkohol edukesen program bilong en.

Kodineta bilong Alkohol Edukesen program, Reveren Joshua Daniel i bin tokaut long dispela long las wik Fonde. Long wanpela bung las wik, 7-pela man i bin kisim pepa

olsem ol rijonal alkohol ekstensen opisa.

Reveren Daniel i tok Luteran Sios i laik skruim dispela program i go moa yet olsem bai em i karamapim olgeta distrik bilong Papua Niugini. Em i tok dispela program bilong Sios i stap 10 na 20 yia pastaim long ol narapela insait long Pasifik rijon na em i laikim ol memba bilong Sios Kaunsil long sapotim dispela wok.

Bisop Getake Gam i strongim dispela ol tok-

tok long sait bilong wok bilong sios. Em i tok ELCPNG i bikpela sios insait long Pasifik na em bai mekim olgeta samting em i ken bilong helpim dispela program.

Bisop Gam i givim bikpela tok amamas tu bilong sios i go long Hans Seidel Faundes, Bavaria Luteran Sios na Luteran Wol Federesen long givim mani bilong dispela program.

Luteran Wol Federesen i bin givim pinis K80,000 bilong ranim na mekim ol wok bilong program.



Taim bilong singsing • Yangpela Beyamo Gwaleam bilong Bukawa i hatim singsing long Gerehu las wiken.

## Ol Katolik bisop toktok long wok bilong autim Gutnius

OL Katolik bisop bilong Papua Niugini na Solomon Ailan i bin holim bikpela kibung bilong ol long Mingende long Simbu provins. Dispela kibung i bin kamap long 16 Epril, 1991.

Insait long dispela kibung, ol bisop i lukluk long toktok bilong Pop John Paul long Rom i bin salim i kam. Dispela i bin namba tu pas bilong Pop we i sut long toktok bilong Evanjelaisesen.

Ol Katolik bisop bilong Papua Niugini na Solomon Ailan i bin skelim dispela ol askim na tokaut long tanim olgeta toktok em i kamap i go long Tok Pisin. Na bilong yusim ol dispela toktok long skul bilong ol katekis na skulim ol pipel bilong kantri long wok bilong God na sios.

Ol Katolik bisop i bin amamas tru long bikpela laik na kain pasin em ol pipel i soim long wok bilong sios long ol peris, namel long ol prea grup yet, long ol wok ministri bilong go ausait na bringim ol arapela man, meri na pikinini i kam insait long banis bilong God na long skul bilong Baibel.

Olsem Santu Paulus i bin tok, "Sapos mi laik stap laip, Krai i mas stap long laip

bilong mi."

Insait long stap olsem ol kristen manmeri i no stap long hia tasol. Bikos Holi Spirit i mekim bikpela singaut bilong karim wok olsem ol evanjelis. Dispela i min long bringim Tok bilong God i go long ol narapela pipel.

Bihainim skul bilong sios, ol Katolik bisop i tok yumi wan wan i gat wok bilong mekim. Bikos sakramen bilong baptismo na konpemasio i givim dispela wok bilong yumi long wok olsem ol profet, na bringim Krai i go long olgeta pipel bilong graun.

Insait long dispela kibung na toktok bilong Evanjelaisesen, ol Katolik bisop i sutim olgeta samting long wanpela hap toktok bilong Pop John Paul. Toktok bilong Pop Paul i go olsem, "Sios em i no karim wok misin i gat sik insait long en." Bihainim dispela hap tok, ol bisop i skelim olsem wok misin i bilong bringim ol pipel i kam bilong harim Gutnius, long kisim kumonio, pre na bung wantaim long lotu.

Long toktok bilong sindaun bilong man long graun, ol Katolik bisop i tokaut olsem trupela kristen komyuniti bai tilim olgeta samting bilong

graun wantaim. Olsem bai no gat man o meri i ken lus long ol bikpela samting long laip.

Long dispela as, ol Katolik bisop bilong Papua Niugini na Solomon Ailan i givim bikpela askim long ol pipel long kisim dispela askim bilong Pop John Paul. Na dispela askim i sut long wok bilong sios-long go insait moa long dispela wok. Long dispela pasin, mipela i mas larim kristen bilip na tingting i go pas long olgeta wok bilong mipela insait long laip, long famili, namel long ol yangpela man na meri bilong mipela, bisnis, long ples na wanem kain hap em mipela i stap long en.

Wok bilong evanjelaisesen i mas bruk i go long olgeta hap bilong kantri na wol. Em i no ken stap long wanpela liklik

## Moa sotpela nius bilong sios

DISPELA ol spes bilong ol saplin i pulap pinis: Difens Fos: Pater Andrew Bill - Murray Bareks; Pater Joe Quentaip, OFM - Taurama; Pater Tobias Malangen - Lae; Pater James Tuikum, MSC - Wewak. Plis Fos: Pater Louis Ambane - Hagen; Pater Hubert Suwete - Mosbi.

hap tasol. Sampela lain i stap long tudak yet na i no harim toktok bilong God. Ol arapela i bin stap long laip tasol i lusim dispela bilip na pasin na bihainim laik bilong ol yet.

Long dispela as gen, ol Katolik bisop long nem bilong Papa Santu i askim yumi wan wan long wok na bringim ol dispela lain i kam insait long kingdom bilong God.

Ol bisop i tok, "Mipela i autim dispela hevi bilong mipela long wok bilong autim Gutnius i go long olgeta Katolik man na meri. Olsem bai aninit long wanpela lotu na kumonio, mipela i ken lip-timapim nem bilong God, husat i wok long redim nau dispela kingdom em bai i kam."

NAMBA 5 Intagrel Human Developmen Kos bai kamap long mun Novemba long dispela i go inap long mun Januəri bilong neks yia. Man bilong givim ol toktok na skul long dispela kos em Pater Tony Bryne. Wankain kos i bin kamap long Rabaul na i stap inap long tupela wik.

## SOTPELA SIOS NIUS

JOSEPH Hoffman bai kamap olsem namba wan tisa bilong ol Rilises Stadi Kos long Yunivesiti bilong Papua Niugini (UPNG). Em bai stat mekim wok olsem tisa long namba tu semesta long dispela yia yet. PNGCC bai baim em na kisim tu kontrak long wanpela haus bilong em long eria bilong UPNG. PNGCC i tok olsem dispela em i namba wan rot bilong kamapim wanpela tioloji dipatmen long yunivesiti.

KATOLIK Bisops Konprens i oraitim pinis wanpela Sekendari Tisa Trening Program long Sen Benedict's Tisa Trening Koles long Wewak. Dispela program bai bung wantaim ol program bilong Divine Word Institute long Madang.

### Melanesian Institute (MI)

OL RISES projek nau i wok long go het long Institut em: Marit na Famili Laip, Yut na Stadi bilong yu yet long Yunaited Sios. I save gat samting olsem 30 kos long olgeta yia stat wantaim ol Orientesen Kos, Insevis Kos, na ol Kos bilong givim bihainim bekim bilong ol wok painimaut.

Melanesian Institute i laik helpim Katolik Sios long mekim wanpela wok painimaut long program bilong en long Evanjelaisesen.

Ol askim bilong MI i go long ol Memba Sios: Strongim na bringim Umben i go moa long ol pipel nating insait long ol daiosis. Dispela i ken go pastaim long ol Katolik stua buk long wan wan daiosis. Long taim bilong oda, givim olgeta wantaim bilong daiosis i go long MI.

## CALLING ALL BANDS

Mipela salim samting bilong Musik...

Emplifaia  
Spika  
Miksa  
Dram  
Dibot  
Maut ogen

Let bilong Gita  
Skin bilong Dram  
Ol Songbuk na Kodbuk  
Mekim Paiarap bilong gita nating olsem pawa gita wantaim

Pick-up bilong gita K33.50 tasol

Rook's Radio, P.O. Box 191, Lae, PNG. Telipon: 42 4616



# IGAT SAIZ

FOTI TAIMS  
TWENTI-FAIV...  
OBOI / EM NAU  
MI RICH MAN!



NO WORIS  
SAPOS MI GVIM  
SIKSTI ME NG NAP  
BUMPIM PMV  
MOA.

GUD  
BAI  
MEKANIKS!

MAN!  
DISPELA 5 SPD  
GEAR IA BAI MI  
WINIM GRAND  
PRIX RESIS

NAU TASOL MI  
BIN CHECKIM AUT DISPELA  
NIU ISUZU BL36 BUS...  
OLAMAN / IGAT SAIZ!  
NA LONG OL GUTPELA DEAL  
BILONG NEW GUINEA MOTORS  
I NOGAT WANPELA  
COMPITISEN NAMBAUT!



## NEW BL36



# ISUZU

NEW GUINEA  
MOTORS

- SEATS 25  
IN COMFORT
- DUAL-CIRCUIT  
POWER BRAKES
- HIGH ROOF AND  
WIDE DOORS  
FOR EASY  
ENTRY & EXIT
- RUGGED CHASSIS AND  
TOUGH SUSPENSION  
MEANS LONGER LIFE
- EASY-ACCESS DIESEL  
ENGINE. POWERFUL,  
ECONOMICAL, RELIABLE.
- SLICK 5-SPEED  
FULL SYNCHROMESH  
TRANSMISSION





**Em bipo** - Dispela rebel paltman bilong EPRDF i sanap pas long wanpela banis bilong haus na laik dring wara. Klostu tasol em piksa bilong olupela ami dikteta, Kenel Mengistu husat i bin holim pawa long Addis Ababa wantaim helpim bilong ami.



**Emma gat stail bilong ol kauboi**

• Emma Doyle bilong Kwinslen long Australia i gat tripela krismas. Na em i stat pinis long singsing olsem ol kauboi. Taim em i bikpela, yangpela Emma bal kamap olsem wanpela gutpela kantri singa tru. Long poto em Emma wantaim papa bilong em Lee.

### Ol Kurdistan redi long pait wantaim Saddam

OL lida bilong Kurdistan long Noten Irak i tok olsem ol bai stretim olgeta samting bilong pait na redi tasol long bungim Presiden Saddam Hussein.

Ol i mekim dispela toktok bihainim wan-

pela ripot i kam long Bekded long givim tok orait long ol Kurdistan pipel long lukautim ol yet. Na tu lusim ol i stap ol yet.

Lida bilong ol Kurdistan, Jalal Talabani i bin mekim wanpela tok

askim long telefon long Hetkwata bilong Kurdistan olsem Bekded i mas stap long sait bilong Kurdistan long givim moa helpim long ol. Talabani i tok dispela toktok i no gutpela long tingting bilong ol

pipel bilong Kurdistan.

Ripot long Bekded i tok olsem taun ol Kurdistan i stap em graun bilong ol Arab. Tasol ol Arab husat i stap long dispela hap mama i no karim ol long dispela graun. Dispela em i wanpela bekim ol pipel bilong Kurdistan i givim long toktok bilong Irak.

Ol Kurdistan i tok gavman i bin kisim ol dispela Arab i kam long stap insait wantaim ol Kurdistan famili tasol.



**Statim nau** - Dispela yangpela rebel paitman bilong Itiopia i so op liklik long ralfol bilong em antap long wanpela woa tenka bilong ami em ol rebel i kisim. Dispela em long Addis Ababa.

### Ol blakman kibung namba wan taim

Dispela em i namba wan taim bilong Saut Afrika palamen long holim wanpela kibung bilong Nesenel Pati.

Ripot i tok dispela em i narakain long ol arapela kibung bikos ol memba bai toktok moa long wok bilong bipo. Moa long ol memba husat i stap long politik bilong nau i bin bungim planti hevi long olupela sistem bilong gavman. Na tu ol bai gat moa hevi sapos ol i bihainim nupela politik bilong Saut Afrika.

Nau moa long ol nupela 35 memba i amamas long lusim Leba Pati na go wok bung wantaim Nesenel Pati. "Mi gat bikpela amamas bikos mi pilim olsem wanpela liklik manki i go nupela long komyuniti skul.

Dispela em i toktok bilong wanpela

memba bilong Nesenel Pati. Nupela Nesenel Pati i no gat wanpela memba long Haus Ov Representativ tasol nau ol i gat 8-pela sia pinis na ol i redi tasol long statim wok bilong ol. Tasol ol bai i no gat strong long kamapim sampela wok. Ol bai traim long lukluk long wok bilong Presiden F.W. De Klerk long toktok bilong graun insait long palamen.

Ol memba bilong Leba Pati i mekim sampela tok pret olsem De Klerk bai yusim moa memba bilong em long pasim ol samting i stap long taim. Na Leba Pati lida, Allan Hendrickse i rausim pinis sampela memba bilong em bikos em i tok Presiden De Klerk i bin dabolim pinis ol namba bilong memba bilong em.

### Sudan bomim ol refuji bilong em yet

OL refuji bilong Sudan i pret nogut ol rebel paitman husat i bin traim long kisim pawa long Afrika bai bagarapim sindaun bilong ol. Tasol ol i painim birua gen taim ol paitman bilong Sudan i tromoi marasin nogut long nupela kem bilong ol.

Ol wokman bilong refuji i tok moa long 400,000 refuji husat i bin stap long Etiopia i ranawe i go

bek gen long Sudan. Tasol taim ol i kamap long boda taun bilong Sudan we ol rebel paitman bilong Sudan Pipel Liberesen Ami (SPLA) i lukautim long en, narapela birua gem i kamap long ol. Long hap, ol paitman bilong Khatoums i bagarapim sindaun bilong ol gen long marasin nogut.

Ripot i tok Jokou na Akobo taun i bin bagarap tu-



**Nupela ileksen** - Dispela ol lain bilong Algias i protes long bikpela rot bikos ol i laikim olsem i mas gat presidensel ileksen. Ol lain husat i statim dispela stralk em Islamic Salvesen Fran (FIS). Na tu FIS i laikim olsem ol i mas rausim lo bilong ileksen nau i stap. Bikos dispela lo i save helpim tasol ol lain bilong Nesenel Libresen Fran.




# Ku mas lukautim PMV!

Husat i brukim dispela lo bai lusim laisens, siaman bilong transport i tok.

...e i go pinis long long ol PMV bas  
...ng klinim na stretim olgeta  
...ol pastaim long ol pilal bilong  
...fik Gems i stat long mun  
...insal Len Trensport

Nupela lo bilong stapin  
bilong ol PMV i bin etas  
mun yet  
"M  
mar



GLAS BILONG WINDUA EM

**K240.00**

OL TIE ROD ENDS EM

**K25.00**

OL KLATS PLET EM

**K77.00**

OL BREK SU KIT EM

**K73.00**

OL KING PIN KIT EM

**K104.00**

OL YUNIVESEL JOIN EM

**K37.00**

OL SAMTING BILONG  
WOKIM ENSIN EM

**K1,368.00**


OL FILTA KIT EM

**K61.00**

NA TU OL PISTON, LAINA, OL RING, OL GASKET LONG SET,  
OL BIKPELA BEARING, OL BIKPELA END BEARING...


## SEKAP NAU LONG OL PRAIS BILONG MIPELA EM I WIN TRU!

HARIAP NAU!



NO GAT PLANTI  
I STAP!





9th SOUTH PACIFIC GAMES  
PAPUA NEW GUINEA 1991

PNG  
1991

# CAMBRIDGE

A MAJOR SPONSOR



**NEW**

Vitamin  
Enriched



## NU RICE GIVES YOU MORE!

When you cook NU RICE remember to add a little more water as Nu Rice cooks up more and gives you an extra serve.

Based on volumetric absorption tests conducted by Queensland Department of Agriculture & Unitech Lae.

Available Port Moresby Citywide from:-

T.S.T GEREHU  
BP's TOWN & BOROKO  
LINGS FREEZER-GORDONS  
GARDEN HILL SUPERMARKET  
AMBIL TRADING - KOKI  
AGUTOI TRADING - BADILI  
NAOA TRADING - KONE DOBU  
MALAORO SUPERMARKET - KOROBOSEA  
TOMOTA TRADING - KOROBOSEA  
NOREEN & PARTNERS - TAURAMA  
MARIBOI TRADING - 6 MILE

LAHANI TRADING - WAIGANI  
GEREHU CITY MART  
TAN TRADING - HOHOLA  
BOIMAKE TRADING - KOKI  
HETURA TRADING - EAST BOROKO  
W.Y. & J. WONG - SABAMA  
G.K. LEE - SABAMA  
HOHOLA ENTERPRISE - HOHOLA  
HOHOLA CNR. SHOP - GORDONS  
TAURAMA SELF SERVICE SUPERMARKET  
- TAURAMA

# Tambuim smok long pablik ples Ol marit meri i mas stap isi

Dia Edita,

Mi laik sapotim pas bilong brata Joishus Sairo bilong Kimbe. Pas bilong em i bin kamap long *Wantok Niuspepa* bilong 11 Oktoba, 1990.

Mi yet mi no save amamas long ol brata na susa i smok long pablik ples bikos long ol dispela as:

- Mi no save kisim win gut taim ol smok klostu long mi.

- Smok i save bagarapim ol arapela pasindia long PMV. Olsem na ol arapela pasindia i save kisim sik olsem sotwin, hetpen, belpen na kus. Smok i save bagarapim ol bebi tu long PMV.

- Smok i save bagarapim bodi bilong man tu long kain kain we.

Tobako Prodak (Helt Kontrol) Ekt 1987 i tambuim ol pipel long noken smok long pablik ples.

Gavman i mekim dispela lo long tambuim smok long pablik ples long 1988. Tasol planti manmeri i save brukim dispela lo.

Bilong wanem na dispela lo bilong gavman i no strong?

I luk olsem plis fos husat i mas karimaüt olgeta lo bilong gavman i no mekim gut wok bilong ol. Olsem na ol pipel i save brukim dispela lo?

Inap long gavman i strongim dispela lo?

Mi laik tok klia olsem planti pipel bilong dispela kantri i no save smok. Em ol wan wan manmeri tasol i save smok. Na mipela i no laikim ol dispela wan wan manmeri i bagarapim planti manmeri bilong dispela kantri.

Bikos pasin bilong smok long pablik ples i ken bagarapim sampela husat i no save smok.

Plis tambuim smok long pablik ples.

Husat brata o susa i laik sapotim o egensim dispela pas i welkam tasol. Rait long *Wantok Niuspepa* bai mi ken lukim pas bilong yu.

W. Lomons  
MENDI

Dia Edita,

Mi wanpela manki Pangia insait long Sauten Hailans provins, tasol nau mi stap long Gouna Kopi plantesin long Isten Hailans provins.

Mi no save amamas tru long lukim ol marit meri i paulim ol yangpela man.

Wanpela taim mi bin stap long haus bilong mi. Wanpela marit meri i kam na tanim olsem yangpela meri stret. Mitupela gris nogut tru. Na em i tokim mi olsem mitupela i mas pren.

Bihain em i go pinis na sampela pren i tokim mi olsem meri ya em i wanpela marit meri.

Plis yupela ol marit meri i mas raun olsem marit meri. Na yupela ol yangpela meri tu i mas raun olsem yangpela meri stret. Bai mipela ol yangpela man i ken lukim na saitim yupela.

Yupela ol marit meri i save paulim mipela, na bihain bai man bilong yupela i kam pait long mipela. Mipela i les long dispela kain pasin ya.

Em tasol liklik komplem bilong mi. Mi bai i amamas long lukim wanpela bekim i kamap long *Wantok Niuspepa*.

Waro Keru  
GOROKA

## Bas tu i tambu

Dia Edita,

Mi wanpela manki bilong Kokopo insait long Is Nu Briten provins. Mi stap nau long Goroka taun long Isten Hailans provins.

Mi laik toktok long ol bas sevis insait long Rabaul taun.

Bas sevis insait long Rabaul taun i gutpela stret. Tasol sampela bas i lapun pinis na i no gutpela.

Bikos sampela draiva na pasindia i save smok na kaikai buai insait long bas. Dispela i no gutpela pasin. Bikos ol bas i save smel nogut tru.

Dispela pasin bilong kaikai buai na smok insait long bas i ken bagarapim helt bilong ol arapela pasindia.

Yupela ol dispela draiva na pasindia i mas harim tok liklik. Traim na smok long haus bilong yupela. Namaski long ol pablik trenspot olsem bas.

Mi laik askim nau ol bikman husat i lukautim ol bas sevis long Rabaul long lukluk long dispela.

Dominique Serel  
GOROKA

## DCA i mas senisim ol yunifom

Dia Edita,

Mi waripela manki Lufa long Isten Hailans provins, na nau mi stap long Mosbi siti.

Mi laik komplem long dipatmen bilong DCA long stretim yunifom bilong ol wokman bilong em long Jacksons ples balus.

Mi lukim planti wokman bilong DCA long ples balus i putim ol yunifom i luk no gut tru long ai bilong ol manmeri.

Sapos sampela manmeri i kam long ovasis na lukim kain samting olsem bai i no gutpela tumas long tingting bilong ol.

Yumi olgeta i save olsem Jacksons ples balus em Intanesenel ples balus. Olsem na kain samting olsem i mas stret long lukluk bilong ol manmeri.

Em tasol na husat i laik bekim em laik tasol.

Genito B. Kavulo  
MOSBI

## "Mi amamas long taim tambu"



Dia Edita,

Mi wanpela man bilong Aitape insait long Wes Sepik provins. Mi laik toktok long kefiu o taim tambu em i kamap nau long Mosbi siti.

Mi amamas tru long tok orait bilong kabinet long skruim dispela taim tambu. Bikos long lukluk bilong mi, mi lukim olsem planti raskol i wok long hait yet i stap.

Dispela em long ol eria olsem 6 Mail, Hohola, Tokarara na Gerehu.

Ol plisman i mas karimaüt bikpela operesen stret, na holim pasim ol dispela raskol. Ol i save stap hait, na hambak tumas.

Wanpela hap mi laikim ol plisman i mas sekim em ol flet o stap hapsait

long Gordens plis bareks.

Ol manki long dispela hap i save bikhet stret. Ol isave giaman raun long Gordens maket na stilim paus mani bilong ol meri.

Yupela ol dispela manki mi tokim yupela stret, sapos mipela wanpela plisman bai pekpek i sut long as bilong yupela.

Yupela save raun long grup na ting olsem yupela ol top man. Samting tru em yupela ol skin indai lain olsem meri bilong yupela.

Mi ting olsem yupela i no ol raskol tru. Sapos yupela i laik save long raskol, go long Gawi Kantri bai ol manki Wewak i soim yupela.

John Mathew  
MOSBI

## PNGFA save wansait

Dia Edita,

Mi wanpela manki Morobe tasol nau mi stap long Kimbe tauñ long Wes Nu Briten provins.

Mi laik komplem long pasin mi save lukim long ol seleksen komiti bilong Papua Niugini Futbol Asosiesen (PNGFA).

Long taim ol i save makim tim bilong makim PNG long ol pilai long sampela kantri, ol i save kisim ol pilai tasol long hap bilong Lae na Mosbi, na lus tingting tru long sampela hap bilong Ailan rijon.

Mipela ol lain long Rabaul, Kimbe, Manus, Kavieng i save pilaim strongpela soka. Tasol PNGFA i no luksave long mipela.

PNGFA i mas traime na makim wanpela pilai long ol dispela rijon bilong Niugini Ailan, na lukim bai em i pilai gut o nogat.

Em tasol na husat i laik bekim em laik tasol.

Phillip Tauye  
KIMBE

## Ol Hailans bagarapim ples

Dia Edita,

Mi wanpela manki Hailans tasol nau mi stap long Kimbe long Wes Nu Briten provins. Mi laik sapotim pas bilong brata Alphonse Gilibing em i bin kamap long *Wantok Niuspepa* long sampela taim i go pinis.

Brata ya i tok olsem ol Hailans tasol i save bagarapim olgeta gutpela siti na taun long dispela kantri. Brata yu tok tru.

Olgeta hap yu bai lukim ol Hailans tasol i salim buai long maket.

Djispela kain ating ol i mas stapim.

Mi bilong Hailans na mi sapotim pas bilong brata ya. Bikos mipela i nogat buai long ples bilong mipela.

Na kain pasin salim buai na kaikai buai planti i save mekim mipela sampela gutpela Hailans i sem nating long kain pasin bilong yupela ol arapela longlong Hailans.

Em tasol liklik wari bilong mi

Kore Mulpisa  
KIMBE

## Ol Dagua stap isi

Dia Edita,

Mi wanpela meri Sepik tasol nau mi stap long Kimbe long Wes Nu Briten provins.

Mi laik sapotim pas bilong brata Jespy M. em i bin kamap long *Wantok Niuspepa* long Fonde 4 Epri, 1991.

Jespy i tok olsem ol manki Dagua i save raun nating long Kapore.

Brata yu tok tru bikos mi yet i lukim long ai bilong mi.

I no ol yangpela tasol, ol lapun man tu i save raun nating. Na mekim ol kain bikhet pasin bilong ol.

Mi lukim kain pasin olsem na i no gutpela long ai bilong mi.

Traim na stap isi long blok bilong yupela yet.

Na maski long mekim ol bikhet pasin bilong yupela.

Em tasol liklik sapot bilong mi.

Philomina J  
KIMBE

## Ol meri Simbu go bek long ples



Dia Edita,

Mi wanpela manki Pangia long Sauten Hailans provins. Tasol nau mi stap long Gouna Kopi plantesin long Goroka, Isten Hailans provins.

Mi laik komplem long rabis pasin ol meri Simbu i save mekim long Goroka taun. Dispela em long putim klok long han, suplm na longpela trausis na so op long pablik ples.

Dispela i no gutpela tru long ai bilong mi. Mi laik askim yupela ol dispela meri long go bek na stap long ples. Na helpim papa na mama bilong yupela.

Ol man i mas lukim yupela olsem ol gutpela meri. Na bai ol i ken maritim yupela gut.

Waro Keru  
GOROKA

## Apim pe nau

Dia Edita,

Mi wanpela viles kuskus long ples Yamaini long Bulolo eria.

Mi laik sapotim tingting bilong gavman long apim pe bilong mipela ol viles klek.

Mipela i save kisim K16 na dispela i no gutpela. Bikos mipela i gat famili tu na dispela mani i save hat tru long mipela long yusim.

Sapos gavman i laik apim pe bilong mipela orait, em i mas mekim nau bikos mipela i laik lukim senis long kain pe mipela i wok long kisim.

Em tasol na husat i laik bekim em laik tasol.

Gidlon Mawalnato  
BULOLO

Toksava i kam long Edita, Tok pilai bilong yu bai i kamap long pepa sapos yu raitim trupela nem na adres bilong yu. Na tu no ken raitim longpel stori.



# Tupela brata i pait long kaikai

BIPO tru long taim bilong tumbuna i gat tupela brata na wanpela susa i stap long ples Wome insait long Menyama eria bilong Morobe provins.

Dispela hap em nau Wauwok Komyuniti skol i stap long en.

Bikpela brata em top man stret bilong painim abus long bus. Olgeta taim em i go long bus, em bai i kam bek wantaim abus tasol.

Liklik brata wantaim susa i save stap long ples. Tupela i save go wok long gaden tasol.

Tasol taim bikpela brata i kam bek long bus, em i no save tilim hap abus long tupela liklik bilong em. Em wanpela i save kaikai olgeta abus.

Olsem na liklik susa wantaim brata i save wok hat stret long painim kaikai bilong tupela yet.

Tasol tupela tu i save pulapim haus stret long kain kain kaikai bilong gaden olsem, taro, yam na banana. Abus tasol em tupela i save sot. Tasol tupela i no wari.

Wanpela de haus bilong bikpela brata i sot long abus. Olsem na em i kirap kisim spia wantaim bunara na spit i go insait long bikbus stret.

Liklik brata wantaim susa i go long gaden, olsem olgeta de tupela i save mekim.

Dispela de i no wanpela gutpela de bilong bikpela brata. Em

painim abus i go na i no lukim wanpela liklik. Klostu apinun na em i pilim hangre nogut tru.

Mekim nogat na em wokabout isi isi i go bek long haus. Taim em i kamap long haus em ol pisin bilong tudak tu i singaut pinis. Man bel bilong em i hangre nogut tru, em i no gat wanpela liklik strong long kukim sampela kaikai.

Liklik susa wantaim brata i kamap pinis long haus na kukim sampela kaikai. Tupela i kaikai i stap na bikpela brata i kamap. Em i kamap na lukim tupela liklik i kaikai i stap.

Bikpela brata i lukim olsem na i askim tupela, "Mi hangre nogut tru ya. Plis givim sampela kaikai long mi."

Liklik brata wantaim susa i no lukluk long em. Tupela lukluk i go daun long kaikai bilong tupela, na mekimsave long kaikai i stap.

Bihain liklik brata i supim plet i go long hap sait na i bekim, "Olgeta taim yu save go long bus long painim abus, na i no save tingting liklik long wok gaden. Na tu taim yu kilim abus i kam, yu no save tingting liklik long mitupela, tupela liklik bilong yu."

Liklik brata i bekim olsem na i no givim sampela kaikai long bikpela brata. Tupela i luk pes olgeta long bikpela bilong tupela.

Bikpela brata i harim olsem na i



bel kaskas. Em i go antap long haus, pulim liklik brata i kam daun na tupela i stat long pait. Susa i lukim olsem na i laik stapim

tupela. Tasol em i no inap.

Bikpela brata i kisim spia bilong em na kilim liklik brata.

Bihain em kisim sem spia na kilim em yet. Blut bilong em i pundaun i go na em i tanim olsem wanpela diwai. Dispela diwai em mipela i save kolim "Paindri".

Trangu susa bilong tupela i lukim olsem na i kra i go inap moning. Em wari nogut tru olsem em i nogat moa tupela brata bilong stap wantaim.

Em kisim olgeta samting na wokabout i go daun long wara Wapi. Em i laik brukim wara na go long hap sait. Tasol wara i tait nogut tru na strong moa.

Em sanap arere long wara i go na tanim kamap olsem wanpela diwai tu. Dispela diwai em mipela i save kolim "Pikus"

Tude sapos yu lukim olgeta diwai Pikus, olgeta i no inap kamap stret. Ol bai i sanap krungut tasol.

Na tu sapos yu go long Wauwok komyuniti skol, bai yu lukim diwai Paindri i sanap long skol.

Yu sanap long skol na lukluk i go daun long wara Wapi, bai yu lukim diwai Pikus i sanap krungut arere long wara i stap.

Em tasol stori bilong mi.

Barni Darius KOKOPO-ENBP.

# Ol kain kain man na meri bilong wol long bipo



• Dispela meri, Julia Pastrana i luk narakain tru bikos em i gat bikpela mausgras na planti gras tu long skin bilong em. Ol i save kollim em olsem "ape woman", tasol samting tru em i hapkas Meksiko na India.

WOL i pulap long kain kain man na meri. Long Papua Niugini, mipela i save long sampela olsem ol sotpela man na meri tru. Inglis nem bilong ol dispela lain em ol dwarf.

Planti nius na ripot i toktok long tupela pikinini i kamap na pas wantaim. Long Saiamis na Amerika na planti arapela kantri i gat ol kain man na meri olsem. Bipo ol i save yusim ol dispela lain bilong pulim mani. Tasol dispela i senis nau. Lo bilong man i banisim ol narapela long daunim na bagarapim ol dispela lain.

Wanpela buk bilong raita Frederick Drimmer i stori gut tru long ol dispela lain. Buk bilong Drimmer *Born Different* i stori long kain laip na hevi em ol dispela lain i bin painim. Gutpela na samting nogut wantaim. Dispela man i wanpela tisa na buk bilong em i gutpela tru long ritim.

Buk bilong Drimmer i stori long sotpela man long wol Tom Thumb (nem tru em Charles Stratton), longpela man tru long wol Robert Wadlow na Joseph Merrick husat ol i save kolim olsem *The Elephant Man*. Stori bilong elefen man i go olsem. Mama i bin karim em na pundaun i go aninit long wanpela enimal ya, elefen. Olsem na skin na lek bilong em i luk olsem elefen.



• Tom Thumb, em i wanpela liklik o sotpela man tru long wol wantaim meri bilong em. Olsem ol narapela marit, tupela i stap amamas longpela taim moa.

## Noken peim moa long ol stoa!



10t 10t 10t 10t 10t

Sapos ol askim moa...go long narapela stoa!

"NAU 63% BIKPELA MOA!"



***BENSON***  
*and*  
***HEDGES***



*Government Warning  
Smoking is Dangerous to Health*





# MI L<sup>OVIM</sup> VIM

*Isuzu bas bilong mi!*

PUTIM OL WINSKRIN K295.00

PUTIM OL BREKSU K147.50

PUTIM KLATS PLET, BERING, NA PRESA PLET K351.50

WIL BERING, OL SIL NA WIL K420.00

PUTIM OL KING PIN K216.50

FUL SEVIS NA SEKAP LONG WEL NA FILTA K128.50

TOK SAVE LONG KOS BILONG WOK, OL PATS NA OL NARAPELA SAMTING FREE

OL PRAIS I KARAMAPIM KOS BILONG WOK, OL PATS NA OL NARAPELA SAMTING.

**Hariap! Ofa bai stap inap mun Julai tasol**

*Lusim mipela PMV bilong yu!*



**NEW GUINEA MOTORS**

# WINIM



Long Mande 20 Me, 1991, Agriculture Supplies and Equipment bilong Rabaul bai stat salim ol kaikai bilong pik em ol i wokim yet long PNG. Dispela kaikai bilong pik bai ol mekim long Kurakakaul Piggery. Insait long dispela kai bai i gat 20 pesen gutpela marasin kaikai em ol i kisim long Australia na 80 pesen bilong kaikai em mit bilong kokonas em ol i kisim long Rabaul. Bai i gat tu rais em ol i kisim long Rice Pollard and Mill Run fekotori long Lae na Flour Mill long Mosbi.

Bikos planti long ol dispela kaikai em ol i wokim long PNG, ASE bai salim 40 kilogrem bek long KI2 tasol. Ol wokman i painim ol dispela kain kain bilong pik na putim wantaim long Kurakakaul Piggery. Hevi bilong dispela nupela kaikai bilong pik i wankain olsem kaikai bilong pik em ol i save kisim i kam long narapela kantri. Nau pe bilong kaikai bilong pik i go daun bai givim sans long kampani i wokim i mekim bikpela win mani. Na i gat bilip olsem klostu nau bai ol i salim tu kaikai bilong kakaruk.

Olgeta kastoma husat i baim samting em pe bilong ol i winim KI5 long Agricultural Supplies And Equipment bai stap insait long dro bilong winim wanpela fri pik. Namba wan dro bilong winim fri pik bai kamap long mun Ogas, narapela long mun Novemba na tupela long mun Disemba. Husat i laki na win bai tokaut sapos em i laikim pik i dai pinis o man pik em i no dai yet bilong lukautim. Olgeta pik i kam long Kurakakaul Piggery na i nambawan kwaliti.

Olsem na noken abrusim dispela sans nau. Kam hariap long Agricultural Supplies na Equipment long Malaguna Rot, Rabaul. Yu ken toktok wantaim mipela tu long telepon 92 1422 o 92 1470. Na yu ken salim pas i kam tu long dispela adres: P.O. Box 1121, Rabaul.

## MIPELA I SAVE SALIM OL:-


- |                          |                              |
|--------------------------|------------------------------|
| - Agricultural Chemicals | - Dong Feng Walking Tractors |
| - Onga Pumps             | - Stock Feed                 |
| - Stanley Equipment      | - Fothergill Seeds           |
| - Shibaura Tractors      | - Work Boots                 |

Dispela em ol nambawan kwaliti pik bilong Kurakakaul Pik Fam na mipela bai givim wanpela fri long mun Ogas, wanpela long mun Novemba na tupela long Desemba. Sapos wanpela fama i win, em bai kisim wanpela man pik long helpim banis pik bilong em yet. Na sapos wanpela man o meri long taun i win, no ken wari bikoš bai i gat pik bilong yu long kaikai i redi i stap.

**Agricultural Supplies And Equipment**

**P O Box 1121 RABAU ENBP Phone: 92 1422 or 92 1470**





# Pacific Gold MUSIC

NAMBAWAN 24 TRACK REKODING STUDIO INSAIT LONG PACIFIC

## Musik bilong Pomio tu i gat stail na kik long en

FRANCIS ULLAU i raitim

MUSIK bilong Pomio i no gat bikpela nem tumas olsem dispela bilong ol Tolai, Sepik na Papua.

Tasol traim harim wanpela nupela kaset bilong ol nau tasol i kam ausait na bai tingting bilong yu i pas olsem ol Pomio inap tu long singsing na kamapim gutpela musik. Dispela kaset em ol i kolim tasol olsem "Tanning Band of Pomio".

Pomio i stap insait tasol long Is Nu Briten provins tasol ol i gat narapela kain tok ples. Insaits long dispela namba wan kaset bilong Tanning lektrik ben, olgeta singsing i stap long tupela tok ples. Sampela singsing i stap long tok ples Mengen na ol arapela i stap long tok ples Mamosi. Na wanpela singsing bilong ol tu long sait A, MERI MANUS i stap long tok ples.

Ol boi bilong Pomio i katim 10-pela singsing olgeta long dispela namba wan kaset bilong ol, 5-pela i stap long wanpela sait na 5-pela long narapela sait.

Long Pomio eria yet, dispela em i namba wan taim bilong kain gutpela lektrik pawa ben long katim kaset na autim switpela musik. Olsem na dis-

pela kaset bilong ol boi Pomio i wok long ron olsem wara long ol stua long hap.

Nelson Amos bilong Pasifik Gold Studio long Rabaul i tok, "Kaset bilong Tanning ben i wok long ron olsem wara long ol stua. Bikos dispela em i namba wan taim bilong harim kain gutpela musik olsem i kamap long hap bilong ol yet."

Nelson i tok tu olsem olgeta memba bilong ben i bilong ples yet. Wanpela bilong ol tasol i save stap long Mosbi. Dispela man em Norbert Pames husat i pilaim ritem gita bilong Tanning Band long dispela kaset. Na em i save stap na wok long Mosbi.

Long taim ben i bin stat long mun Mas, 1990, Norbert i save kisim balus na go stap pilai raun na trening wantaim narapela 3-pela ben memba, Clement Tau, Michael Bala na Otto Mesi. Dispela i go het olsem tasol inap long mun Julai long wankain yia yet taim ol i katim namba wan kaset bilong Tanning Band wantaim Pasifik Gold Studio long Rabaul.

Olgeta singsing bilong dispela kaset i gutpela tru long harim. Sampela singsing bilong helpim



• Ol ben memba bilong Tanning ben bilong Pomio.

long salim dispela kaset em kain olsem LOTE long Sait A. Taim yu harim namba wan pairap bilong gita, yu save pinis olsem planti yau i pas nau long dispela musik. Kain rot em musik i ron long en i kamap ples klia tru taim kibot i bekap long bak-sait.

LOTE em wanpela bilong ol kain singsing em planti man, meri na pikinini i save laikim long harim. Bikos em i isi, i gutpela na i gat swit na kik long en.

Narapela tupela singsing em i bihainim kain stail bilong Ailan Reggae em planti pipel i save laik harim em MERI MANUS long tok ples na TAROBI long tok ples Pomio.

Dispela tupela singsing i gat kain reggae stail bilong ol lain long Niugini Ailan rijon. Ol

singsing bilong Chris Kuskus i bin pulim lewa na tingting bilong planti man, meri na pikinini. Tasol nau Tanning Band of Pomio i kisim ples pinis.

ONAVALE na TOLEL long Sait B bai pinisim laik bilong ol yangpela. Tupela singsing ya i bihainim kain nek na musik we planti yangpela man na meri i save laikim long en. Long singsing ONAVALE, nek bilong man i kamap ples klia olgeta. Na dispela i gutpela bilong harim.

Long pinisim olgeta toktok, ol singsing long dispela kaset inap pinisim tru laik bilong ol man, meri na pikinini long ol ailan bilong Niugini, i go long ol ples antap long Hailans na ol bikples na nambis bilong ol lain long Noten rijon. Insaits long

ol ples, dispela kaset i gat gutpela musik bilong ol man, meri na pikinini tu long hap long harim.

Narapela kaset tu em i bin kamap long wankain taim i bilong wanpela solo atis. Dispela em wanpela musikman husat i raitim na katim kaset bilong em yet. Dispela em kaset bilong Frank Kivovon bilong Tavui viles long Kokopo, klostu long woa matmat.

Long bipo, Frank i save go pas long singsing wantaim ol lain bilong Nogat Wok ben. Dispela ben i bilong Pitapaka eria long Kokopo yet na i bin katim kaset bilong ol long 1989. I no planti memba, em Frank wantaim narapela tupela pren bilong em.

Na long las yia, Frank yet i kamap long Pacific Gold studio na katim wanpela kaset bilong em. Em i kolim dispela namba wan kaset bilong em olsem "Kivovon of Rabaul". Em i gat 10-pela singsing insait long dispela kaset.


Singsing GAIDIO long Sait A i gutpela na i bihainim kain stail bilong bungim dram na gita wantaim. MIVA MIVA i bihainim kain stail bilong ol Sepik disko na i gutpela long

kalap kalap na danis. Namba 4 singsing long Sait A, MUTO PURO i gat gutpela bekap bilong ol man i singsing na bai helpim long salim dispela kaset.

Narapela singsing bilong katim tru lewa na bai winim ples long Papua Niugini musik em singsing TOBEN, namba wan singsing long Sait B. Singsing ya bai pulim planti man,

meri na pikinini na bai winim bikpela namba liklik taim tasol.

• Long ol narapela samting long studio, tripela boi bilong Sinasina long Simbu i katim pinis kaset bilong ol. Narapela em Kamilio James bilong Kerema na narapela man gen husat i katim gospel kaset bilong em wantaim Pacific Gold studio em Esley Kula bilong Sepik. Tasol nau em i stap long Kimbe.



• Poto bilong Frank Kivovon i stap long fran bilong kaset ya.

EMTV					
<p><b>THURSDAY 6TH JUNE, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS</p> <p>7.00 TODAY SHOW (G)</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN</p> <p>3.00 KIDS KONA</p> <p>4.00 THUNDER THE BARBARIAN (G)</p> <p>4.30 TEENAGE MUTANT NINJA TURTLES (G)</p> <p>5.00 THE FLINTSTONES</p> <p>5.27 EMTV TOKSAVE</p> <p>5.29 NATIONAL EMTV NEWS BREAK</p> <p>5.30 HOME AND AWAY</p> <p>6.00 NATIONAL EMTV NEWS</p> <p>6.30 A CURRENT AFFAIR</p> <p>7.00 NEIGHBOURS (G)</p> <p>7.25 EMTV NEWS UPDATE (G)</p> <p>7.30 HEY DAD (G)</p> <p>8.22 EMTV TOKSAVE</p> <p>8.25 EMTV NEWS UPDATE</p> <p>8.30 21-JUMP STREET (PGR)</p> <p>9.24 EMTV NEWS UPDATE</p> <p>9.29 EMTV NEWS MAGAZINE</p> <p>9.30 SPORTS ACTION</p> <p>10.30 CHARLIE'S ANGELS: "Angels in The Backfield" (PGR)</p> <p>11.30 EMTV NEWS (REPLAY) (G)</p> <p>11.57 MEDITATION WITH PASTOR WALO ARNI (G)</p> <p>12.00 STATION CLOSE</p>	<p><b>FRIDAY 8TH JUNE, 1991</b></p> <p>6.00 TEST PATTERN AND MUSIC (G)</p> <p>6.27 STATION OPEN (G)</p> <p>6.30 ITN WORLD NEWS (G)</p> <p>7.00 TODAYS SHOW</p> <p>9.00 STATION CLOSE (G)</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 THUNDER THE BARBARIAN (G)</p> <p>4.30 TEENAGE MUTANT NINJA TURTLES (rpt)</p> <p>"Enter The Rat King"</p> <p>5.00 THE FLINTSTONES (G)</p> <p>5.27 EMTV TOKSAVE</p> <p>5.29 NATIONAL EMTV NEWS BREAK (G)</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 NEIGHBOURS (G)</p> <p>7.25 EMTV NEWS UPDATE</p> <p>7.30 FAMILY TIES (G)</p> <p>"A My name is Alex" Part 2</p> <p>8.00 AUSTRALIA'S FUNNIEST HOME VIDEO SHOW</p> <p>8.26 EMTV TOK SAVE (G)</p> <p>8.29 EMTV NEWS UPDATE (G)</p> <p>8.30 SPORTS SPECIAL (G)</p> <p>"Rugby League"</p> <p>10.24 NATIONAL EMTV NEWS UPDATE</p> <p>10.29 EMTV NEWS</p>	<p><b>SATURDAY 8TH JUNE, 1991</b></p> <p>8.00 TEST PATTERN AND MUSIC</p> <p>12.57 STATION OPEN</p> <p>1.00 WIDE WORLD OF SPORTS (G)</p> <p>5.00 SPECIAL: "Miracle on the Border" (G)</p> <p>5.27 EMTV TOKSAVE (G)</p> <p>5.29 NATIONAL EMTV NEWS BREAK (G)</p> <p>5.30 GILLETTE (G)</p> <p>6.00 NATIONAL EMTV NEWS (G)</p> <p>6.30 HEY HEY IT'S SATURDAY (G)</p> <p>8.22 EMTV TOKSAVE (PGR)</p> <p>8.30 HAWAII 5-0: "The one with a gun" (PGR)</p> <p>9.29 EMTV NEWS MAGAZINE</p> <p>9.30 GUNSMOKE "The Busters" (PGR)</p> <p>10.30 LAVERNE &amp; SHIRLEY "Death Row, Part 2" (G)</p> <p>11.30 EMTV NEWS REPLAY</p> <p>11.57 MEDITATION</p>	<p><b>SUNDAY 9TH JUNE, 1991</b></p> <p>8.00 TEST PATTERN AND MUSIC</p> <p>10.55 STATION OPEN</p> <p>11.00 WIDE WORLD OF SPORT</p> <p>1.00 BUSINESS SUNDAY</p> <p>2.00 SUNDAY (G)</p> <p>4.00 SPORTS SUNDAY</p> <p>6.00 NATIONAL EMTV NEWS</p> <p>6.23 THE ROAD TO THE 1991 SOUTH PACIFIC GAMES</p> <p>6.30 SPORTS ACTION "Rugby League"</p> <p>7.55 CHIT CHAT WITH SIR PAULIAS MATANE</p> <p>8.00 60 MINUTES</p> <p>8.52 EMTV TOK SAVE (G)</p> <p>9.00 SUNDAY NIGHT MOVIE "Dead Man Tell No Tale" (PGR)</p> <p>10.21 WORLD COMMUNICATING DAY</p> <p>10.30 EMTV NEWS REPLAY</p> <p>10.57 MEDITATION</p> <p>11.00 STATION CLOSE</p> <p><b>MONDAY 10TH JUNE, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 TIN WORLD NEWS</p>	<p><b>TUESDAY 11TH JUNE, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS (G)</p> <p>7.00 TODAY SHOW (G)</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (PGR)</p> <p>3.00 SESAME STREET (G)</p> <p>4.00 THUNDER THE BARBARIAN (G)</p> <p>4.30 TEENAGE MUTANT NINJA TURTLES (G)</p> <p>"Burne's Blues"</p> <p>5.00 THE FLINTSTONES (G)</p> <p>"Hot Piano"</p> <p>5.27 EMTV TOK SAVE (G)</p> <p>5.29 EMTV NEWS BREAK</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 NEIGHBOURS (G)</p> <p>7.30 THE YOUNG DOCTORS (G)</p> <p>8.52 EMTV TOKSAVE</p> <p>9.00 FLYING DOCTORS (PGR)</p> <p>9.54 EMTV NEWS UPDATE</p> <p>10.00 SPORTS ACTION "Australian Football League"</p> <p>11.30 EMTV NEWS (REPLAY)</p> <p>11.57 MEDITATION WITH PASTOR WALO ARNI</p>	<p><b>WEDNESDAY 11TH JUNE, 1991</b></p> <p>6.00 TEST PATTERN AND MUSIC</p> <p>6.27 STATION OPEN</p> <p>6.30 ITN WORLD NEWS</p> <p>7.00 TODAY SHOW</p> <p>9.00 STATION CLOSE</p> <p>1.42 STATION RE-OPEN</p> <p>1.45 MIDDAY WITH RAY MARTIN (G)</p> <p>3.00 SESAME STREET (G)</p> <p>4.00 THUNDER THE BARBARIAN (G)</p> <p>4.30 TEENAGE MUTANT NINJA TURTLES: "Return of the Shredder" (G)</p> <p>5.00 THE FLINTSTONES "The Hypnotist on the Rocks" (G)</p> <p>5.27 EMTV TOK SAVE</p> <p>5.29 EMTV NEWS BREAK</p> <p>5.30 HOME AND AWAY (G)</p> <p>6.00 NATIONAL EMTV NEWS</p> <p>6.30 A CURRENT AFFAIR (G)</p> <p>7.00 NEIGHBOURS (G)</p> <p>7.24 SOCCER ROUND-UP</p> <p>7.27 EMTV NEWS UPDATE (G)</p> <p>7.32 SPORTS SPECIAL</p> <p>8.27 SOCCER ROUND-UP (G)</p> <p>8.30 WEDNESDAY NIGHT MOVIE: "Victory At Sea" (G)</p> <p>10.27 EMTV NEWS TOKSAVE</p> <p>10.30 EMTV NEWS UPDATE</p> <p>10.35 MEKIM MUSIK (Replay)</p> <p>11.35 EMTV NEWS (Replay)</p> <p>11.57 MEDITATION WITH PASTOR WALO ARNI</p> <p>12.00 STATION CLOSE</p>

G General Exhibition PGR- Parental Guidance Required AO - Adults Only



**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

MIRI AORI long Ext 203  
JOHNATHAN BOMEPE long Ext 215  
KOSINTO FOSAGU long Ext 216

## Nesenel Providen Fan

# RIPOT BILONG OL MEMBA

Dia ol memba,

### **Toksave i go long ol memba.**

I stat long nau i go bai yupela i kisim ol ripot bilong NPF bihain long olgeta foapela mun.

Dispela ol ripot bai kamap bilong en yet na tu long ol niuspepa na ol redio long olgeta hap bilong kantri.

### **Bikpela ol senis long kamapim gutpela NPF**

NPF nau i wok long lukluk long ol wari bilong ol memba. Na i no olsem kain pasin i save kamap bipo.

Minista bilong yu na BoD bai wok hat long mekim ol dispela senis i kamap, maski planti ol man i laik go bek long olpela we em NPF i ran long en bipo. Planti ol i traim tasol ol i fel.

NPF i daunim namba bilong ol wokman na nau i mekim wok i go isi na hariap tru.

NPF nau i bihainim ol nupela sistem. Ol wokman bilong NPF nau i bihainim nupela rot long sevim yu kastoma.

### **Hap bilong harim na stretim wari bilong ol memba i stret nau**

Narapela moa aua i go antap long taim ol wokman i yusim long sevim ol memba. Ol wokman bai harim wari bilong ol memba stat long 8 klok long moning i go inap long 4 klok long apinun long Mande inap long Fraide.

Ol memba i save go long opis long bipo bai lukim senis nau i kamap long ol aua ol opisa i save wok.

Ol memba nau i ken ring tasol na painim aut long akaun bilong ol.

### **Haus**

Mipela nau i mekim sem de sevis. Mipela baim aut K766,684 long 238 memba insait long namba hap bilong dispela yia. Long wankain taim long las yia, NPF i baim aut tasol K23,755 i go long 39 memba.

### **Rausim mani**

Taim nau ol memba i save wet long kisim mani bilong ol nau i go sot. NPF nau i stretim sampela askim bilong ol memba em i stap long opis long tupela yia olgeta nau. Namba bilong ol askim bilong memba i go bikpela aninit long olpela menesmen bilong NPF. Namba bilong ol man i no kisim mani bilong ol yet i stap olsem 6,000. Bihain long

nupela sistem i kamap, dispela namba nau i go daun long 2,700.

### **Ol kampani i no save baim hariap pe bilong ol memba.**

Dispela em i wanpela bikpela hevi bilong fan. Ol kampani i no save baim pe bilong ol wokman hariap i go insait long fan. Dispela em i wanpela hevi bilong wanem na ol memba i no save kisim mani bilong ol hariap.

Olpela menesmen i no lukluk long dispela hevi na stretim. Mipela i traim nau long kisim ol mani bilong sampela ol memba i kam insait long fan.

Mipela i kisim helpim bilong kot long lukluk long ol kampani husat i:

- i bagarapim rekot long pe bilong ol wokman;
- i no hariap long baim ol pe i go long fan.

Mipela kisim pinis 5,600 nupela manmeri i kamap memba bilong NPF.

Mipela i kisim i kam insait 27 nupela kampani i kam insait long NPF long dispela yia husat long bipo i no laik putim mani bilong ol wokman long NPF.

### **Akauns**

Ol rekot bilong mani bilong NPF i no stret. Mipela nau i stretim ol hap bilong akauns em olpela menesmen i no mekim.

Mipela i wok hat tru long kisim ol dispela akaun i go long yu na mipela i bilip olsem bai mipela stretim olgeta samt-ing long pinis bilong dispela yia.

### **Nupela kompyuta sistem.**

Ol nupela kompyuta nau NPF i kisim long kisim ples bilong ol olpela nau i no wok gut tumas. Sampela ol rekot i no stret long ol olpela kompyuta nau bai mipela traim long stretim. Mi bilip bai mipela salim ol rekot bilong mani bilong yupela i go long yupela long narapela 2 o 3-pela mun.

### **Invesmen**

NPF i kamapim pinis K10 milien profit. Dispela mani i kamap bihain long fan mesesmen i baim ol sekyuriti bilong fan.



# WANTOK

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telepon 25 2500 na askim long

MIRI AJORI long Ext 203  
JOHNATHAN BOMEPE long Ext 215  
KUSINTO FOSAGU long Ext 216



P.O. Box 78, Port Moresby Telephone 21 1999 Fax 21 1954

I laik tok save long olgeta manmeri olsem planti trevelas sek tru i bin lus taim ol i stap long Papua Niugini. Displea ol sek i no gat tok orait mak long ol.

Dispela ol sek i kam long Komonwel Beng bilong Australia (CBA). Na PNGBC i save wok olsem mausman bilong CBA long Papua Niugini. Dispela olgeta sek i stap long mani bilong Australia (dola) we ol i brukim long ol A\$50 na A\$100.

SIRIEL NAMBA BILONG OL SEK EM OLSEM:-

**A\$50** - STAT LONG NAMBA **173735501**

I GO INAP LONG **173735900**

**A\$100** - STAT LONG NAMBA **229967801**

I GO INAP LONG **229968800**

Dispela tok save i go long olgeta manmeri long no ken kisim ol dispela sek na long ripot hariap long ol plisman sapos wanpela man o meri i laik traim long senisim ol dispela sek.

Happy Birthday Greetings to



## MAUREEN DIZE

who turns 22 yrs old on 10/10/91. B'day wishes and greetings from brothers and sisters in Wewak and Port Moresby. Also not forgetting the rascals of Spring Garden Road, Hohola. Special love with 22 kisses from daughter Nancy Maryland.

**All the league news**  
*when it happens!*  
**every week in your Wantok & Times**

## SPORTS Weekend

## SPORTS NEWSPAPER

Weekly

NEW!  
NEW!



BOXING



SWIMMING



BASKETBALL



RUGBY LEAGUE

30¢

On sale every Friday, Saturday



# SOFBAL

## Ol meri Air Niugini bai i makim Wewak long Nesenel Klap taitel

FAY DUEGA I rattim

Wewak Sofbal Asosiesen i redim wanpela tim bilong em pinis long pilai insait long Benson & Hedges Nesenel Klap sempionsip.

Dispela bikpela sempionsip bai i kamap long Mosbi Siti long namba 3 na 10 de bilong mun Jun, 1991 ong Sir Hubert Murray Stadium.

Tim bilong ol meri Air Niugini bai makim Wewak long dispela sempionsip.

Nem bilong ol pilaia insait long dispela tim em Roslyn Dalek, Lucy Jambakau, Thresa Klink, Sophia ALung, Agnes Kani, Betty Bonnie, Jennifer Tapuni, Bella Karo, Fiona Klink, Janet Hoibi, Adelaide Sale, Mary Klink, na Ruth Sammy.

Ol opisal bilong Air Niugini tim em Rose Johnson, Elizabeth Simi-

tap, John Klink, na Kenzie.

Ol meri "Gawi" i save olsem ol bai i bungim satrongpela salens stret long dispela sempionsip. Tasol bikpela tingting bilong ol em long pretim ol nem tim bilong ol nem senta olsem Mosbi, Lae, Rabaul, Madang na Goroka.

Wewak i gat nem tu long kamapim sampela gutpela sofbal pilaia bilong kantri. Wanpela bilong ol dispela pilaia em Jenny Pilak.

Jenny Pilak em wanpela gutpela pilaia husat i save pilai nau wantaim Gasel tim bilong Mosbi Wimens sofbal resis. Long Wewak em i save pilai wantaim Mutik sofbal klap.

Jenny Pilak i gat nem long Saut Pasifik Gems volibai skwat bilong PNG.



"Kaikai das bilong mi"

• Mama ya i lokim gla na givim sisti long namba wan bes long Mosbi Wimens sofbal resis long las sisen. Kain stall olsem bai i kamap long Nesenel Klap sempionsip long dispela Kwins Betde wiken.

### Kimbe Soccer Association Premier Division

#### Ladder Week 6

Division	GP	W	D	L	GF	GA	Pts
Laheri	6	5	1	0	14	2	11
S/Coast	6	5	0	1	17	5	10
NGI	6	4	2	0	8	5	10
Royals	6	3	0	3	6	7	6
Gilex	6	2	1	3	7	10	5
Bismark	6	1	1	4	6	15	3
K/United	6	1	1	4	3	15	3

#### Premier Reserves Ladder Week 6 4/6/1991

NGI	6	5	1	0	8	4	11
S/Ccoast	6	4	2	0	8	5	10
Royals	6	3	1	2	7	9	7
K/United	6	3	1	2	6	5	7
Laheri	6	2	2	2	9	7	6
Gilex	6	1	4	1	8	7	6
Bismark	6	1	1	4	5	7	3

#### Under 18 Division Ladder Week 6 4/6/1991

Laheri	6	6	0	0	10	4	12
NGI	6	5	0	1	7	2	10
S/Coast	6	3	2	1	5	3	8
Bismark	6	3	0	3	5	4	6
K/United	6	2	1	3	4	8	5
Royals	6	2	1	3	3	5	5
Gilex	6	0	1	5	3	12	1

#### Under 16 Division Ladder Week 6 4/6/1991

K/United	6	4	1	1	9	7	9
Laheri	6	4	1	1	8	2	9
S/Coast	6	4	0	2	6	5	8
Bismark	6	3	2	1	3	2	8
Royals	6	3	1	2	6	3	7
Gilex	6	2	2	2	7	7	6
NGI	6	1	0	5	4	8	2

#### Womens Division Ladder Week 6 4/6/1991

Laheri	6	5	1	0	14	1	11
NGI	6	4	1	1	12	9	9
Gilex	6	3	2	1	12	5	8
K/United	6	2	3	1	6	5	7
S/Coast	6	3	1	2	3	6	7
Bismark	6	2	0	4	1	4	4



# BENSON and HEDGES



**Kimbe Soka Asosiesen**

**Ol dro bilong pilai SARERE 8 Jun, 1991**

11.00 U18 G1 Royals vs Laheri  
 12.05 Ris G1 Gillex vs Tarangau  
 1.30 Ris G1 Royals vs Laheri  
 2.45 Prim G1 Gillex vs Tarangau  
 4.20 Prim G1 Royals vs Laheri

11.00 U18 G2 Gillex v Tarangau  
 12.05 U/16 G2 Royals v Laheri  
 1.10 Womens G2 Gillex v Tarangau  
 2.15 Womens G2 Royals v Laheri  
 3.20 U/16 G2 Gillex v Tarangau

**Sande 9/ 1991**

11.00 U18 G1 S/Coast v NGI  
 12.05 P/Res G1 K/United v Bismark  
 1.30 P/Res G1S/Coast v NGI  
 2.45 Premier G1 K/United v Bismark  
 4.20 Premier G1 S/Coast v NGI

11.00 U/18 G2 K/United v Bismark  
 12.05 U/16 G2 S/Coast v NGI  
 1.10 Womens G2 K/United v Bismark  
 2.15 Womens G2 S/Coast v NGI  
 3.20 U./16 G2 K/United v Bismark

**Mosbi redi long Stratford 2 000**

**YAKAM KELO I raitim**

MOSBI soka tim bilong go kik long Stratford 2 000 soka resis long Kens, Australia long mun Oktoba i wok nau long bungim mani bilong dispela raun.

Long wiken bai dispela Mosbi Soka Asosiesen (PMSA) tim i klinim sampela hap bilong Mosbi Jenerel haus sik long 3 Mail. Na haus sik bai i baim ol sampela mani.

Nau yet wan wan pilaia i go aut pinis wantaim sponsa pepa bilong ol. Olsem na taim ol i kamap long yu, plis givim sampela helpim long ol wantaim K2 o K3 samting.

Kosa bilong tim em het kosa bilong Mosbi Soka Asosiesen, Kolis Pambuai.

Kolis i tok ol i makim pinis fainal PMSA tim bilong Stratford 2 000

soka resis. Kolis i tok bihain long dispela Kens tonamen, bai sem tim i makim PMSA long Sauten Rijonal soka tonamen.

Stratford tonamen i save kamap long olgeta yia long mun Oktoba. Long dispela yia bai tonamen i kamap tu long wankain taim olsem long bipo.

Na Stratford 2 000

resis tim husat bai i makim PMSA long Sauten Rijonal tonamen bai i gat liklik tenis tasol.

Ol pilaia bilong dispela tim i kam long 4-pela divisen olgeta. Dispela em long primia, namba wan, namba tu na anda 19 divisen.

Kolis i tok olgeta pilaia i no save kisim nem long makim ol bikipela

gem long PNG. Olsem na PMSA i laik givim sans long ol yangpela pilaia.

Em i tok moa olsem planti bilong ol yangpela pilaia insait long Stratford 2 000 soka resis tim bai i kamap ol gutpela na strongpela pilaia long bihain taim. Na tu planti bai i makim Papua Niugini.

Kolis i laik tok klia

olsem nau yet tim i wok long bungim mani long mekim ol helpim wok nambant insait long Mosbi Siti.

Long lukluk bilong Kolis, dispela i ken helpim PMSA long bungim inap mani bilong salim tim long ol arapela tonamen long bihain taim. Na tu i ken helpim PMSA long sevim sampela mani.



• Kas bilong Morobe Yunaitet i trikik manki Sobou long Mosbi soka resis.

**Ol Buang bai i bung long soka**

BIKPELA pilai bilong ol pipel long Buang konstituensi long Morobe provins bai i kamap long Kwins Betde wiken long ples Wagau na Lari.

Tupela kain resis bai i kamap long dispela taim. Soka na basketbal. Soka resis bai i kamap long ples Lari, na basketbal bai i kamap long ples Wagau long Wagau Komyuniti skul.

Bikipela as bilong holim dispela tupela resis em long bungim ol yangpela manmeri bilong Buang long Kwins Betde wiken. Na tu long bungim ol papa na mama wantaim pikinini bilong ol.

Dispela em sampela bilong planti bikipela tonamen o resis em ol Buang pipel i save holim namel long ol yet long olgeta yia.

Sampela bilong ol dispela bikipela tonamen em Buang soka (BFC) tonamen em i kamap pinis na i wok long ran gut nau. Narapela em Jewaha Manga tonamen em i bin kamap long Mosbi long 1983.

Kaiyok tonamen em wanpela kain tonamen olsem tu bilong ol Buang pipel insait long kantri.

**Mitif autim Mopi na bosim Lae soka lata nau**

**ELIZABETH SOLOMON i raitim**

LAS Sarere, Mitif i pilai strong tru na winim Mopi 1-0. Dispela win i helpim em long stap namba wan long tig divisen poin lata bilong Lae soka resis nau.

Las wik poin lata i soim olsem Mitif i gat gat 12-pela poin wantaim Morobe Yunaitet, tasol gol averes tasol na Mitif i go pas.

Long dispela gem long Sarere, namba wan gol i bin kamap long 10-pela minit insait long gem. Joe Toliman i lukim spes na hariap tru salim bal stret long gol. Golkipa bilong Mopi i no inap stapim, bikos ples i wel. Olsem na umben i solap long beksait. Mitif i gat kain spit

bilong pilai we sapos sans i kamap long skoa, ol i mas mekim kamap. Orait bihain long dispela gol, em i taim long banisim gol mak tasol.

Long namba wan 10-pela minit bilong gem, strongpela pilai i bin kamap. Na i bin gat planti sans we tupela

tim wantaim inap long skoa. Tasol bikipela ren i bin pundaun na graun i gat wara yet. Bal tu i wel na mekim planti kik bilong Mitif i go ausait tasol.

Bihain long dispela namba wan gol, Mitif i traim nau long rausim bal i go long ol midfil pilaia husat i stap long

drai graun liklik. Taim ol beklain pilaia i kisim bal, hariap tru ol boi rausim i go long ol midfil pilaia husat mekim wan tas tasol long bal, na bal i stap pinis long lek bilong ol straik.

Dispela kain spit gem i mekim na Mopi i traim hat long banisim.

**Ol ausait tim i noken pret long trabel**

**WEWAK RIPOT**

OL tim bilong ausait provins husat i laik kik long bikipela Somare Sil tonamen i noken pret long ol trabel i kamap nau. Dispela singaut i kam long wanpela ogenaia bilong tonamen, David Pandi.

Pandi i tok wanem ol trabel i kamap nau bihain long ol raskol i kukim bikipela provinsal gavman opis i no inap bagarapim ol pilai. Bikos ol ogenaia bai i singautim helpim bilong ol plisman long lukautim dispela tonamen.

"Mipela bai i mas luksave olsem olgeta tim i kam kik long dispela resis i mas amamasim ol yet, we nogat trabel bai i kamap long bagarapim dispela tonamen.

"Long sekyuriti bilong ol tim, mipela bai i toktok wantaim provinsal plis komanda, bai ol plisman i ken sambai," em i tok. "Tasol bikipela bilip i stap olsem nogat trabel bai i kamap."

Somare Sil tonamen i save kamap long olgeta yia. Na resis bilong dispela yia bai i kamap long namba 22, 23 na 25 de bilong mun Julai, 1991.

Kik bilong las yia i bin kamap long Maprik. Na bilong dispela yia em Wewak Soka Asosiesen bai i lukautim long Wewak taun yet.

Bikipela singaut i go nau long ol tim husat i laik kik insait long dispela resis. Pandi i laikim olsem olgeta tim i mas givim nem, na tu baim K180 afiliesen fi bipo long 30 Jun, 1991. "Bihain long dispela de bai mipela i no inap long kisim wanpela moa tim," Pandi i tok.

**Enga Soka Asosiesen Points Teble 08/06/ 1991.**

Tim	Plaia	Win	Draw	Lus	For	Ag	Goals	Goal Diff	Poins
Moku	9	6	2	1	20	3	17		14
Tarakum	9	5	2	2	16	12	4		12
Teachcom	9	5	1	3	16	11	5		11
Buresong	9	4	2	3	16	10	6		10
Enga Blues	9	4	2	3	17	16	1		10
United	9	3	3	3	12	9	3		9
Amagain	9	2	4	3	13	18	-5		8
Elcom	9	3	1	5	7	11	-4		7
Enga Royals	9	1	2	6	12	17	-5		5
T.N Club	9	1	1	7	6	29	-23		3

Note\* Points deducted for player not cleared

Tim	Plaia	Win	Draw	Lus	For	Ag	Goals	Goal Diff	Poins
Buresong	9	6	3	0	18	5	13		15
Teachcom	8	5	1	2	10	3	7		11
Tarakum	9	4	3	2	14	10	4		11
Amagani	8	2	5	1	8	6	2		9
Moku	8	2	3	3	7	7	0		7
Kumuls	9	3	1	5	10	13	-3		7
Tn Club	9	0	2	7	3	20	-17		2

**Wimen**

Tim	Plaia	Win	Draw	Lus	For	Ag	Goals	Goal Diff	Poins
Teachcom	10	7	2	1	25	5	20		16
Yea East	10	6	2	2	20	9	11		14
Moku	10	6	3	1	11	7	4		14
Amagani	10	5	3	2	17	8	9		13
United	10	4	3	3	14	9	5		11
Kumuls	10	3	3	4	7	13	-6		9
Tapi	10	3	2	5	9	14	-5		8
Buresong	10	1	5	4	6	19	-13		7
Tn Club	10	1	3	6	5	21	-16		5
Tarakum	10	1	1	8	6	13	-7		3

**Sarere 8/6/91**  
**Junior Men Ground No.1**  
 12:00pm  
 2:00 pm Buresong v T.N Club (juniors)  
 3:30pm Tarakum v Amagani (seniors)  
**Senior men Ground No:2**  
 12:00pm  
 2:00pm Tarakum v Amagani (juniors)  
 3:30pm T.N Club v Elcom (seniors)  
**Sunde 9/6/91**  
**Ground No. 1**  
 12:00pm  
 1.30pm Teachcom v Moku (juniors)  
 3.00pm Enga Royals v United (seniors)  
 4.30 pm

**WEWAK SOKA DRO**

**SARERE 8 JUN, 1991.**  
 Taim Divisen Pilai  
 1.00pm U19 Tarakum vs KTC  
 2.20pm U19 Sunam vs Medics  
 4.20pm U19 Guria vs Wullet  
**SANDE 9 JUN, 1991.**  
 1.00pm PREM Tarakum vs Medics  
 2.20pm PREM Sunam vs Guria  
 4.20pm PREM Wullet vs Wewak Utd  
**Bye: Passam**  
 1.00pm 1ST KTC vs wewak Utd  
 2.20pm 1ST Tarakum vs Sunam  
 4.20pm 1ST Wullet vs Medics  
**Bye: Guria**

## PMSA Disiplineri Komiti mas i gat wanpela mesistret

### RAGBI LIG JUDISERI

PLANTI manmeri i save bihainim Sidni Ragbi Lig, ol bai i save long nem Mark Geyer. Em i wanpela bikpela fowot pilaia bilong Penrith klap na i bilong Nu Saut Wels Stet ov Origin sait tu.

Bihain long namba tu Stet ov Origin gem long Sidni Futbol Stadium long las wik Trinde, Australia Ragbi Lig i ting em i yusim pasin nogut insait long dispela gem. Orait, Judiseri Komiti bilong Australia Ragbi Lig i lukluk long dispela stori, na ol i pasim tok olsem Mark Geyer bai i no inap pilai insait long 6-pela pilai. Wan man insait long dispela komiti em i wanpela saveman tru bilong lo-Dick Conti, QC.

Sans bilong em long pilai insait long las Stet ov Origin em i nogat nau. Na sans bilong em tu long stap insait long Australia sait long pilaia egensim Nu Silan i stap long han bilong ol selekta.

### WATPO RAGBI LIG STORI

Mi mekim dispela stori long soim kain hevi ol pilaia inap kisim insait long ragbi lig, sapos ol i pilai nogut na traim bagarapim ol arapela pilaia. Yu yet yu ken tingim... Mark Geyer i kisim 6-pela gem saspensen long dispela pilai nogut bilong en. Sapos em i tasim tasol referi o i paitim referi, wanem kain mekimsave tru em bai i kisim?

Kain mekimsave ol pilaia bilong olgeta spot em ol i no narakain tumas. Ol i bihainim lo bilong ol wan wan spot, sampela sait bilong lo bilong kantri, na bikpela moa... ol i bihainim planti samting i kamap pinis long spot (precedents).

### JUDISERI KOMITI

Narapela piksa insait long stori antap ya, em i soim olsem wanpela saveman bilong lo i saindaun



insait long dispela komiti long glasim, stiaim komiti, na skelim ol stori. Bihain orait, skelim tu mekimsave komiti i givim.

Mi no klia tumas sapos Mosbi Soka Asosiesen i gat wanpela loya o mesistret i go pas long Disiplineri Komiti bilong en. Dispela em i bikpela samting. Bikos dispela man bai i klia gut long pasin bilong lukluk long ol hevi, na traim helpim komiti i luksave long wanem kain mekimsave i gutpela.

Mi mekim dispela toktok bikos planti mekimsave PMSA Disiplineri Komiti i wok long givim nau, i no stret. Na long ai bilong wan wan man we i kisim birua,

em bai i lukim olsem mekimsave i no stret (fair).

Dispela i kamap bikos PMSA komiti i no lukluk gut tumas long ol:

- Bai- Lo;
  - Konstitusen bilong PMSA na konstitusen bilong ol arapela pati;
  - Ol prisidents (precedents).
- Em i wok bilong Seketeri bilong PMSA long stretim olgeta pepa wok na komiti i ken bihainim gut rot bilong stretim olgeta hevi.

### SAMPELA FANI SAMTING

Sapos disiplineri komiti i no bihainim gut ol dispela samting mi kolim antap ya, em inap kamap wantaim sampela fani samting tru.

Long stori bilong Maset i mekim rong, komiti i singautim ol paitiman bilong Maset long go givim stori bilong ol. As bilong dispela i bilong givim mekimsave long ol o nogat.

Tasol, komiti i kirap na tokaut olsem dispela gem Maset i kirapim pait bai i kamap bihainim. Dispela em i no as bilong dispela miting. Na tu, dispela asua i kamap sampela minit bihainim long fainal wisil. Risal bilong gem i stap.

Narapela fani samting mi lukim em kain mekimsave dispela komiti i givim long dispela tripela ausa: 1). Tabitha Suwae na referi John Siren. Disiplineri komiti i givim John K50 kompensesen mani.

2). Rapatona Primia Risev tim na referi Alvin Komey. Komiti sasim Rapatona K500, na wan wan long ol 8-pela pilaia tu i mas baim K500. sas bilong olgeta em K4,500.

3). Maset na referi John Siren: Maset baim K500 fain, na narapela K200 "bond-mani." Ol i mas baim bipo ol i kik gen. Na tu, wanpela pilaia i kisim 10-pela yia saspensen o i no inap pilai soka long 10-pela yia olgeta.

## Nominesen fi bilong Madang soka i paul

### YAKAM KELO i raitim

MADANG Soka Asosiesen i redim pinis fi bilong resistarim tim bilong ol meri husat bai i kik insait long Nesenel Wimens sempionsip. Tasol PNGFA i skruim pinis dispela sempionsip i go long narapela taim, bikos long sampela as (lukim pes 24).

PNGFA i bin makim dispela sempionsip long kamap long Lae long dispela wiken. Dispela em long namba 8, 9 na 10 de bilong mun Jun, 1991.

Presiden bilong Madang Soka Asosiesen, Peter Angasa i tok em i baim K1, 200 i go pinis long PNGFA. K3000 bilong dispela mani i bilong stretim nominesen fi bilong ol meri long kik insait long sempionsip.

Angasa i tok nau yet em i no kisim gutpela tok klia long PNGFA na Lae Futbol Asosiesen (LFA), long dispela sempionsip. Na i askim gut PNGFA na LFA sapos olgeta samting bai i kamap bihainim program bilong bipo.

Tasol presiden bilong PNGFA, Peter Mommers i tokaut long dispela wik Mande olsem dispela sempionsip bai i no inap kamap. Bikos planti senta i no baim nominesen fi bilong tim bilong ol.

Angasa i tok Madang Soka Asosiesen i salim pinis nominesen fi bilong em long beng i go long beng akaun bilong PNGFA long Mosbi. Tasol Mommers i tok Madang em wanpela bilong ol senta husat i no baim nominesen fi yet.


PNGFA i bin stapim Nesenel Wimens sempionsip, bikos 4-pela senta tasol i bin stretim olgeta membasp askim, na i redi long pilai long dispela tonamen. Na ol arapela i nogat yet.

Mommers i mekim dispela tok orait bikos em i laik sevim mani bilong ol sponsa bilong dispela tonamen, we planti senta i mas kik. Na i no wan wan senta tasol.

Olsem na em i skruim dispela tonamen i go long narapela taim bihainim.

Long Madang soka resis yet, primia divisen bai i pilaim namba tu wan gem bilong namba tu raun long dispela wiken. Kik bilong namba tu raun i bin stat long las wiken.

Ol arapela divisen i no redi yet long namba tu raun. Bikos ol i gat planti gem bilong pilaim i stap yet.



## Glostia holim K3,000 tonamen

GLOSTIA distrik long Wes Nu Briten provins bai i holim K3,000 soka tonamen long Kwins Bet De.

Dispela tonamen bai i kamap long Glosta distrik yet na em i bikpela pilai tru. Bikos dispela em namba wan taim bilong kain tonamen long kamap.

Bikpela stua bilong Glosta Holsel Entaprais i papa long dispela tonamen we em i go pas long sponsa. Olgeta yangpela bilong Glosta komyuniti bai i bungim ol yet na kamap wantaim tim bilong ol long pilai.

Distrik sevis opisa na kodineta bilong dispela tonamen, Leo Silabu i tok dispela em i namba wan taim bilong kain tonamen. Em i tok taim em i stap olsem spot kodineta long

bipo, i nogat wanpela kampani o bisnis i kamap wantaim kain samting olsem.

Em i tok bai dispela kap i kisim nem bilong kampani Glosta Holsel na dispela tonamen bai i kamap inap 5-pela krismas. Kap bai i go long top tim bilong tonamen.

Menesa bilong Glosta Holsel, Luke Mota i tok dispela em i tingting bilong kampani long bungim ol yangpela long pilai, na traim long lusim ol long kain bikhet pasin nabaut.

Mista Silabu i tok dispela tonamen tu i kamap long gutpela taim, bikos em bai i redim ol pilaia bilong pilai insait long Lae Bisket Kap long Oktoba.

MOSBI SOKA ASOSIESEN POINS LATA						
Primia Divisen Lata 4/06/1991						
Division	Played	Win	Draw	Lose	Goals For	Goals Against
University	13	8	3	2	35	15
GFC	13	7	6	-	24	9
Amalpak MU	13	7	3	3	23	24
Guria	13	6	4	3	24	18
Rapatona	13	4	6	3	19	13
Mobil Sobou	13	4	4	5	29	26
Golo	13	4	3	6	24	23
Westpac	13	3	6	4	17	19
Kurti Andra	13	4	2	7	18	24
B/Kumuls	13	4	2	7	18	24
T. Defence	13	2	4	7	17	26
Verave	13	3	1	9	18	37

1st Divisen Lata 4/06/1991						
Division	Played	Win	Draw	Lose	Goals For	Goals Against
B.F.C	13	10	1	2	26	11
Koupa	13	8	4	1	29	14
Bao Mitas	13	8	3	2	34	18
Air Niugini	13	7	3	3	22	15
Kula	13	5	4	4	22	20
Tarangau	13	3	4	6	17	23
Nali	12	3	4	5	10	19
Milne Bay	13	4	1	8	18	27
S. T. C	13	3	4	6	21	23
Buresong	11	2	2	7	15	26
Wanzesi	13	1	2	10	15	31
Maset: Suspended						
Nali: Bye						

2nd Divisen Lata 4/06/1991						
Division	Played	Win	Draw	Lose	Goals For	Goals Against
Korion	13	10	1	2	36	16
Lesegu	13	8	4	1	19	7
Mt. Obree	13	9	1	3	32	22
Amazon Bay	13	8	3	2	40	21
Wanzesi	13	8	2	3	38	11
Maniota	13	6	4	3	23	21
Bao Mitas	13	6	4	3	20	20
Gala United	13	5	2	6	19	22
Elcom	13	3	6	4	16	19
Cloudy Bay	12	3	3	6	19	23
Oruka	13	3	3	7	15	13
Mana	11	3	2	6	14	18
B.F.C	11	4	2	5	13	18

Wimens Divisen Lata 4/06/1991						
Division	Played	Win	Draw	Lose	Goals For	Goals Against
Sobou	13	9	3	1	32	3
Wanzesi	13	9	3	1	30	5
Guria	13	9	2	2	54	7
University	13	9	2	2	37	10
Amalpak M. U	13	8	3	2	45	8
G.F.C.	13	5	2	6	14	22
Kurti Andra	13	5	1	7	10	2
Kula	13	4	3	6	12	22
Milne Bay	13	4	1	8	10	19
B/Kumuls	13	2	2	9	12	37
T. Defence	13	2	1	10	7	42
Koupa	13	-	-	13	3	44

Anda 19 Divisen Lata 4/06/1991						
Division	Played	Win	Draw	Lose	Goals For	Goals Against
Rapatona	13	9	3	1	48	13
Sobou	13	9	1	3	26	10
Bao Mitas	12	7	4	1	18	9
B/Kumuls	13	7	2	4	23	12
Kurti Andra	12	7	1	4	21	6
G.F.C.	12	6	2	4	22	11
Westpac	13	6	2	5	18	18
Guria	13	4	4	5	16	21
Verave	11	4	5	2	15	11
University	11	3	5	3	15	14
T. Defence	11	3	2	5	11	18
Buresong	13	2	3	8	14	23
Golo	12	2	1	9	12	43
Amalpak	11	1	1	9	13	37

Primia Risev Lata 04/06/1991						
Division	Played	Win	Draw	Lose	Goals For	Goals Against
Golo	12	9	3	1	26	13
Westpac	12	7	4	1	18	10
Kurti Andra	13	6	5	2	18	17
Sobou	13	6	5	2	17	19
University	13	5	6	2	20	13
B/Kumuls	13	4	5	4	15	13
Guria	13	5	2	6	16	17
G.F.C.	13	4	4	5	19	24
Amalpak	12	3	5	5	12	14
Rapatona	12	3	3	6	16	14
Verave	11	1	3	8	10	16
T. Defence	13	1	2	10	13	29



## Kolis i no amamas long senis

NESENEL soka pilaia i mas wanpela pilaia bilong yusim tingting long pilai, i mas pilaim strongpela gem, pait olgeta taim long kisim bal long birua, na tu em i mas wanpela strongpela pilaia.

Dispela em tingting bilong Kolis Pombuai. Kolis em het kosa bilong Mosbi Soka Asosiesen (PMSA). Kolis i mekim dispela toktok long lukluk bilong em long ol Mosbi pilaia husat i stap insait nau long sinia nesanel trening tim bilong 1991 Saut Pasifik Gems, em PNG bai i lukautim long 7-21 Septemba long Mosbi na Lae Siti.

Kolis i tok nesanel kosa, John Peka i mas skelim gut ol pilaia long namba tu trening kem. Namba tu trening kem i kamap nau long Lae. Trening kem i bin stat long Mande 3 Jun, na bai i pinis long Fonde 11 Jun, 1991.

Kolis i mekim dispela toktok bihain long nesanel kosa i kisim tupela Nesanel Anda 23 pilaia long stap insait long namba tu trening kem. Nem bilong dispela tupela pilaia em Newman Peter, na Desmond Waku bilong Yunivesiti soka klap long

Mosbi.

Newman na Desmond i gat nem long makim PNG long bipo.

Kolis i tok dispela senis i no gutpela tumas. Bikos sapos ol lokol asosiesen yet olsem Mosbi Soka Asosiesen i makim ol nupela pilaia i go insait long trening kem bai i gutpela.

Kolis i tok dispela kain pasin tasol i mekim na planti gutpela pilaia i save abrusim sans long pilai insait long nesanel tim.

I gat planti gutpela na strongpela pilaia bilong Mosbi i stap yet. Kolis i tok sapos PMSA yet i makim ol pilaia bilong senisim sampela pilaia long trening kem, em olsem het kosa bai i makim ol pilaia olsem Vosap Eremas bilong Guria soka klap, John Tutumang bilong Westpac, na Wesley Waiwai wantaim Vincent David bilong Rapatona.

Kolis i tok ol pilaia bilong arapela kantri bai i kam pilaim strongpela gem tru wantaim strong na save bilong ol long pilai. Olsem na Papua Niugini mas i gat ol pilaia husat i ken pilaim strongpela gem, na pait strong wantaim birua long kisim bal.

## Ol referi i laik straik long pe

### WEWAK RIPOT

#### LEO WAFIWA i raitim

LAS wiken bikpela trabel i bin kamap long biktaun bilong Is Sepik provins, Wewak las wiken we sampela man i kukim provinsal hetkwata opis long Kreer Heights. Tasol ol soka gem bilong las wiken i bin go het na pinis gut.

Wanpela mausman bilong Wewak Soka Asosiesen, David Pandi i gat bikpela bilip olsem ol gem bilong dispela wiken bai i go het gut olsem las wiken. Namba tu sisen propa gem bilong raun tu bai i kamap long dispela wiken.

Tasol dispela bai i hangamap tasol long han bilong ol referi. Bikos ol referi i pretim long noken lukautim wanpela gem stat long dispela wiken.

Ol i plen long mekim dispela bikos Wewak Soka Asosiesen i no bin baim ol long ol gem ol i bin lukautim i kam inap nau. "Mi no save sapos ol gem bilong dispela wiken bai i kamap o nogat," Pandi i tok.

Pandi i singautim nau olgeta memba klap na tim long baim hariap graun fi bilong ol bipo long dispela wiken. Bikos asosiesen i save yusim dispela

mani long baim ol referi.

Long stat bilong sisen i kam inap las wik em nogat wanpela klap o tim i baim yet dispela fi.

Pandi i askim nau olgeta klap long luksave long dispela, na givim graun fi bilong ol hariap. Bikos dispela bai i amamasim ol referi, na ol pilai i ken go het. Na pinis long stretpela taim we asosiesen i bin makim.

Wantok Niuspepa i no inap kisim mausman bilong ol referi, Bernard Jeff long kisim tingting bilong em long dispela hevi.

Tasol long dro bilong dispela wiken em ol primia divisen gem bai i kamap namel long Tarakum wantaim Medics, Sunam wantaim Guria, na bikpela gem bilong wiken bai yu lukim kompetisen lida, Wewak Yunaitet i skrapim das bilong Prins Charles Oval wantaim Wullet.

I gat bikpela bilip olsem Wewak Yunaitet bai i winim dispela gem. Bikos em i gat planti gutpela nem pilaia bilong resis, husat i bin bringim tim i go long 1989 Benson & Hedges Nesanel Klap sempionsip long Mosbi.

Tasol bikpela samting em ol i noken daunim strong bilong Wullet. Bikos nogut ol kas bilong Wullet i tanim tebol long ol.

Ol studen bilong Passam Nesanel haikul bai i no inap pilai long dispela wiken.



• Pilaia bilong Sobou i laik mekim save long fulbek nogut bilong Morobe Yunaitet tasol manki Samarai ya em strongpela banis bilong Yunaitet stret long beklain ya.

## Tupela Anda 23 pilaia joinim nesanel tim

### YAKAM KELO i raitim

TUPELA pilaia bilong Nesanel Anda 23 tim i joinim pinis sinia PNG nesanel trening skwat long namba tu trening kem long Lae. Trening kem i bin stat long Mande 3 Jun, na bai i pinis long Fonde 11 Jun, 1991.

Tupela nupela pilaia ya em Desmond Waku na Newman Peter bilong Yunivesiti soka klap long Mosbi. Tupela i bin go insait bihain long Amos Romo bilong Madang skwat i lusim skwat. Amos i lusim skwat bikos long sampela kain hevi.

Nesanel trening tim

menesa, Peter Seske i tok ol i stretim olgeta samting pinis bihainim ol askim ol i bin askim long pastaim. Na nau yet ol pilaia i slip long Lae Teknikel Koles, na i save trening long nupela SP Gems stedium arere long Namasu bris.

Ol i no makim gut graun long nupela stedium yet, tasol pilai graun bai i redi long dispela wik. Na ol pilaia bai i yusim long trening.

Dispela bai i helpim ol pilaia long luksave long graun, na pilim gut graun bihain long ol pilaia gem tru egensim ol arapela Saut Pasifik kantri tim.

Soka resis bai i

kamap long dispela stedium. Bikpela bilong fil bai i 110 mita longpela, na 65 mita longpela long sait.

Peter Seske i tok em i bin askim long kisim sampela samting olsem kol dring na arapela liklik samting bilong yusim long taim bilong trening.

Ol dispela samting i no bin kamap long namba wan trening kem long Mosbi. Olsem na em i no laik bai dispela hevi i kamap gen long Lae.

Peter Seske i tok ol arapela spot i bungim dispela kain hevi tu we i nogat wok bung bilong SP Gems Faundes long redim ol nesanel tim.

## Nogat kik bilong ol meri

NESENEL soka sempionsip bilong ol meri bai i no inap kamap long dispela wiken bikos nesanel soka bodi, Papua Niugini Futbol Asosiesen (PNGFA) i stapim.

PNGFA i makim long 1991 Kalenda bilong em olsem dispela sempionsip bai i kamap long Lae long Kwins Betde wiken. Dispela em long namba 8, 9 na 10 de bilong mun Jun, 1991. Tasol PNGFA i skruim i go nau long Ogas, 1991.

Presiden bilong PNGFA, Peter Mommers i mekim dispela tok orait bikos i nogat inap tim bilong pilai.

Nau yet em 4-pela senta tasol i baim K300 nominesen fi na i redi long pilai. Ol dispela senta em Mosbi, Kimbe, Enga na Goroka.

Mommers i tok Mosbi, Kimbe, Enga na Goroka tasol i baim pinis nominesen fi, na PNGFA i oraitim ol long pilai. Ol arapela senta olsem Simbu, Lae, na Morobe Kantri i no baim nominesen fi yet.

Presiden bilong Madang Soka Asosiesen, Peter Angasa i tok em i sallim pinis nominesen fi wantaim

asosiesen afiliesen fi i go long beng akaun bilong PNGFA long Mosbi. Tasol Mommers i bekim olsem Madang i no baim yet nominesen fi bilong pilai long dispela sempionsip. Olsem na PNGFA bai i no oraitim em long kik.

Mommers i tok sapos i gat 6 o 8-pela senta i kisim tok orait bilong PNGFA long kik, em i no inap stapim dispela tonamen long go het.

Tonamen i ken go het sapos 6-pela tim i redi long pilai. Tasol 4-pela senta tasol i redi gut long pilai, olsem na dispela namba i no inap larim sempionsip long go het, em i tok.

Mommers i tok klia olsem kain bikpela tonamen we i save kamap aninit long PNGFA i mas bihainim gut olgeta samting PNGFA i askim olsem nominesen fi.

Wan wan senta i mas stretim ol fi na arapela samting bipo tonamen i stat. Sapos wanpela senta i no inap long baim nominesen fi, em bai i no inap kamap long tonamen, Mommers i tok.

## Ol Lae referi i redi nating

ASOSIESEN bilong ol soka referi long Lae i orait long lukautim ol gem bilong Nesanel Wimens sempionsip. Tasol PNGFA i stapim nau dispela resis long kamap, bikos i nogat inap tim (lukim ripot long pes 20).



1991 PNGFA Kalenda i makim olsem dispela sempionsip bai i kamap long Lae long namba 8, 9 na 10 de bilong mun Jun, 1991.

Seketeri bilong Referi Asosiesen, Valentine Pandi i bin tok Lae Futbol Asosiesen (LFA) bai i lukautim dispela pilai. Na i bin givim tok orait long dispela.

Ol opisal i makim olsem 12-pela bilong ol LFA referi bai i lukautim olgeta gem.

Ol 12-pela referi ya bai i brukim ol yet long tupela pul we 6-pela long wanpela pul na 6-pela long narapela.

Valentine Pandi i tok ol bai i lukluk tu long ol arapela senta.



# Tripela Mosbi pilaia lusim sans long nesenel tim

## Nesenel kosa bai kisim ol bek o nogat?

### YAKAM KELO I raitim

TRIPLELA sinia nesenel soka pilaia bilong Mosbi i no inap stap insait long fainal sinia tim bilong ol man long pilai insait long 1991 Saut Pasifik Gems long 7-21 Septemba, 1991.

Menesa bilong nesenel tim, Peter Seske i tokim Wantok Niuspepa long dispela wik olsem olgeta pilaia i kamap long Lae long namba tu trening kem. Tasol tripela pilaia i no kamap. Nem bilong ol em Adam Lema na tupela Toru brata, Joe na liklik bilong em Turia.

Bihain long kibung bilong ol pilaia long Mande nait, nesenel kosa John Peka i tokaut long ol tripela pilaia ya.

Peter Seske i tok nesenel kosa bai i tokaut long fainal tim long dispela trening kem, na i luk olsem dispela tripela pilaia bai i nogat sans long kisim wanpela posisen bilong fainal tim.

Peter Seske i tok samting i stap long han bilong nesenel kosa yet. Dispela em sapos em i laik kisim dispela tripela pilaia long fainal tim o nogat.

Bikos nau yet dispela tripela pilaia em ol namba wan beklain pilaia bilong kantri.

Peter Seske i tok i gat namba tri trening kem bilong fainal tim bai i kamap long taim bilong Gems. Olsem na sapos nesenel kosa i gat bikpela tingting long kisim ol tripela nem pilaia ya, em bai i gat inap taim long mekim dispela.

Wantok Niuspepa i traim long kisim tingting bilong nesenel kosa long dispela, tasol nogat. Bikos nesenel kosa i bin stap long pilai graun wantaim trening ol trening tim.

Toru Turia i bin tokim Wantok Niuspepa olsem em i no go long trening kem bikos long wok bilong em. Toru i save wok wantaim Chevron Niugini kampani. Em i tok em i gat planti wok long mun Me na Jun. Olsem na i no inap long kamap long las trening kem.

Toru i bin toktok wantaim bos bilong em long dispela hevi. Na bos i oraitim em long go long trening kem. Tasol em yet i tingting planti long wok bilong em.

Toru i gat bikpela laik tru long pilai long kantri bilong em. Tasol long sem taim em i no laik daunim wok bilong em.

Nau yet Toru em i raitim wanpela leta i go pinis long SP Gems Faundesen, na tokaut long wanem as em i no kamap long trening kem. Dispela em wanpela hevi tasol i stapim yangpela Toru long stap insait long trening kem.

Klap presiden bilong Guria soka klanp, Dokta Peter Pangatana i tokaut olsem Adam Lema i no kamap long trening kem bikos em (Adam) i kisim bagarap long lek bilong em.

Dokta Pangatana i tok Adam i kisim dispela bagarap long namba wan trening kem bilong nesenel tim long Mosbi. Dispela bagarap i mekim na Adam i no save pilai moa long klap gem long Mosbi.

Wantok Niuspepa i traim long kisim Joe Turia tasol em i no stap long opis.

Joe Turia wantaim Adam Lema an tupela namba wan beklain pilaia em nesenel tim i no inap long lusim.



• Man ya em Lawrence Merpi bilong Siassi. Em i pilai wantaim Difens primia tim long Mosbi las wiken, na i laik rausim bal long Westpac pilaia. Tupela tim i dro 2-2. Poto Misako Elemiah.

Nogat nesenel  
wimens  
sempionsip  
- pes 23



### MOSBI SOKA ASOSIESEN DRO RAUN 2: WIK 3 Sarere 8 Jun, 1991.

Taim	Divisen	Graun	Pilal	
9.00	Res	B1	Guria	v Amapak
10.30	2nd	B1	Gala United	v Mt. Obree
12.30	2nd	B1	Korion	v Buresong
2.00	1st	B1	B.F.C.	v Nali
4.00	1st	B1	Tarangau	v Buresong
9.00	2nd	B2	Amazon Bay	v Cloudy Bay
10.30	Women	B2	Guria	v Sobou
12.30	1st	B2	S.T.C.	v Bao Mitas
2.00	Prem	B2	Golo	v G.F.C.
4.00	Prem	B2	Guria	v Amapak
10.00	U/19	G.F.C.	University	v Kurti Andra
11.30	U/19	G.F.C.	Golo	v Rapatona
1.00	Women	G.F.C.	T.Defence	v Kula
2.30	2nd	G.F.C.	Tarangau	v Mana
12.00	U/19	Defence	Sobou	v B/Kumuls
1.30	Women	Defence	Milne Bay	v G.F.C.
3.00	Res	Defence	Westpac	v Sobou
4.30	Res	Defence	University	v Verave

### Sande 9 Jun, 1991.

Taim	Divisen	Graun	Pilal	
9.00	Res	B1	Golo	v G.F.C.
10.30	2nd	B1	Elcom	v Wanzesi
12.30	1st	B1	Kula	v Koupa
2.00	Pre	B1	Kurti Andra	v B/Kumuls
4.00	Pre	B1	University	v Verave
9.00	2nd	B2	Bao Mitas	v B.F.C.
10.30	Wom	B2	University	v Amapak
12.35	1st	B2	Wanzesi	v Air Niugini
2.00	Pre	B2	Rapatona	v T.Defence
4.00	Pre	B2	Westpac	v Sobou
10.00	U/19	G.F.C.	Amapak	v T.Defence
11.30	U/19	G.F.C.	Guria	v Verave
1.00	Wom	G.F.C.	Wanzesi	v B/Kumuls
2.30	Res	G.F.C.	Kurti Andra	v B/Kumuls
4.00	Res	G.F.C.	Rapatona	v T.Defence
10.00	U/19	Defence	Westpac	v G.F.C.
11.30	U/19	Defence	Buresong	v Bao Mitas
1.00	Women	Defence	Kurti Andra	v Koupa
2.30	2nd	Defence	Oruka	v Sulem
4.00	2nd	Defence	Maniata	v Losegu

### INSAIT

#### OL SOFBAL RIPOT - PES 20

• Mosbi redi nau long Stratford 2000 soka resis long Australia ..... p21

• Mitif bosim Lae lata nau... p21

• Dro, poin lata, risal na ripot bilong ol provinsal senta... p21

• Ol ausait tim noken pret ... p21

#### KIKBEK WANTAIM GABRIEL PISE - PES 22

• Glosta bai i holim K3,000 soka kik long Kwins Betde wiken... p22

• Tupela Anda 23 pilaia joinim pinis nesenel tim long Lae ... p22

• Nominesen fi i paul ..... p22

**B&H**  
**BENSON**  
*and*  
**HEDGES**








# RUGBY

Namba 17

Fonde 6 Jun, 1991

**NIUS**



**VIPERS  
LUKAUT!**

**- pes 3**

• Tupela Goroka Lahanis pilaia i givim "spia takol" long winga bilong Mosbi Vipers, Joshua Kouoru long namba tri raun bilong Inta Siti resis long Goroka. Tasol Vipers i strong na winim dispela gem 22-20. Poto Sape Metta. Vipers bai i bungim Kundlawa Warriors dispela wiken long Mosbi.

## INSAIT

- Country bungim Tigers long Goroka ..... p2
- Lukaut long Difens, Air Niugini na Paga Panthers ..... p2

## WAGAMBIE'S WHIP - PES 3

- Goroka gat sans long autim Lae Bombers ..... p3

## PES 4 NA PES 5

- Dro, skoa, poin lata na ripot bilong 10-pela Winfield Lig senta

## NOTEN SON SEMPIONSIP RIPOT - PES 6

- Mosbi/Difens i sambai long autim Tarangau ..... p7

## 1991 SP INTA SITI KAP DRO NA LATA - PES 7

## LAE na RABAUL RIPOT - PES 8

**LUKIM INSAIT: MOA INTA SITI POTO**

# Winfield League '91



# Kas bilong Country na Tigers Paul Nelson nogat sans long 1991 sisen

GOROKA Winfield Lig i pilaim pinis! raun 9 bilong sisen propa resis.

Dispela wiken, tupela strongpela tim Tigers na Country bai i traim bun long bikpela A gret gem long Goroka Ragbi Lig oval. Planti sapota long Goroka i putim ai pinis long lukim tupela tim ya.

Country klap i stap long namba 11 na Tigers i stap long namba 10 ples bilong poin lata.

Dispela bai i wanpela gutpela gem bilong ol sapota long lukim. Bikos planti gutpela stail na strong bilong ragbi bai i kamap.

Tupela tim wantaim i gat nem long pilaim gutpela na strongpela gem egensim sampela nem tim pinis. Dispela wiken tupela bai i traim bun

long lukim husat bai i win.

I gat bikpela bilip olsem dispela gem bai i kamap olsem wanpela semi o gren fainal gem.

Bikpela wok i stap long han bilong ol pilaia bilong Tigers. Ol i mas pilai olsem wanpela tim, na lusim pasin bilong pilai wan wan.

Dispela bai i kamapim gutpela piksa bilong ragbi lig. Tigers i mas kisim taim long luksave long pilai bilong Country long namba wan 15 o 20 minit pastaim, sapos em laik winim dispela gem.

Las wik Country i bagarapim stret sindaun bilong Royals 17-14. Dispela Sande Country bai i putim ol wankain pilaia long soim strong wantaim Tigers.

## PETER MIVA I rattim

FULBEK bilong Paga Panthers A gret tim long Mosbi Winfield Lig, Paul Nelson i no amamas long las wik taim em i toktok wantaim mi long hevi bilong em.

Nelson i bin brukim lek bilong em long namba wan raun bilong Mosbi Winfield Lig resis. Nau yet em i wokabaut gen. Tasol em bai i no inap pilai long dispela sisen inap

neks yia.

Nelson i kisim dispela nius nogut long dokta bilong em, Dokta Patil long lae wik.

Nelson i no bilipim dispela toktok na i go bek gen long lukim Dokta Patil long sekim lek bilong em. Tasol Dokta i givim wankain nius long em. Dispela i mekim Nelson i wari nogut tru.

Bikos Nelson i gat bikpela laik tru long pilai ragbi. Ragbi em wanpela spot yangpela Nelson i save mangal-

im stret. Nelson i gat 21 krismas, na i hap blut bilong Rabaul na Kimbe.

Nelson i tok em i no inap stap nating long wanpela sisen na lukim ol arapela pilaia i pilai.

"Mi gat bikpela wari tru nau. Bikos dispela yia em gutpela taim bilong mi long pilai. Bikos Kumul tim bai i go pilai raun long Frans, Briten na Nu Silan. Na mi nogat sans nau long pilai, na holim pasim ai bilong ol selekta long stap insait long Kumul tim."

Yangpela hap blut bilong Kimbe na Rabaul i no inap lus tingting long lusim sans bilong stap insait long ripresentativ gem.

"Mi ting lek bilong mi i orait, na bai mi pilai

gen. Tasol dispela hevi i kamap na stapim mi long pilaim wanpela gutpela gem mi save laikim tru."

Mi ken pilim wanem kain hevi em i kisim. Mi kisim ripot long em, tasol mi toktok gen wantaim em na tokim em long noken wari tumas. Bikos mi laik mekim em i pilim hepi liklik.

"Tenkyu yu tru Pete long sapot bilong yu. Planti pren i bin tokim mi wankain toktok olsem yu tokim mi nau. Tasol mi i no inap long bilipim olsem narapela man tru i toktok long mi olsem wanpela brata."

Em i tokim mi olsem ol wan wok bilong em olsem Aquila Emil i save sapotim em long i go moa long pes 7

## Sambai long Difens, Air Niugini na Paga

OL tim husat i bosim nau A gret poin lata bilong Mosbi Winfield Lig resis i mas lukaut nau long tripela tim husat i kamap strong nau.

Ol dispela tim em Difens, Air Niugini, Paga Panthers na Souths. Souths i bin stat bihain liklik tasol em i kamap nau long lata.

Difens na Air Niugini em tupela bikpela birua stret. Tupela wantaim i winim ol gem bilong tupela i kam nau.

Difens wantaim kam bek bilong kosa Geoff Vincin i redi long go bek long gren fainal olsem las yia, na strongim Cambridge Kap taitel em i bin winim egensim NGIP Muruks.

Tupela wik i go pinis ol soldia i bagarapim stret sindaun bilong DCA 68-16. Na las wiken ol i givim wankain mekimsave long wanpela top tim, Brothers 38-16.

Kosa Geoff Vincin i tok Difens i winim dispela tupela gem wantaim gutpela beklain pilai bilong ol pilaia olsem, winga Arnold Krewanty, tupela senta pilaia, James Miri (ausait), Jack Uradok (insait) na Joe Garap (ausait).

Air Niugini em las wik tru em i autim Brothers 32-16, na las wiken em i givim bikpela mekimsave long yangpela Kone Tigers tim 44-20. Long poin lata em Air Niugini i karim 16 poin wankain olsem Brothers. Tasol em i sindaun bihain long Brothers long namba 6 ples bikos long gol averes.

Difens i goap i go pinis long namba 8 ples wantaim 14 poin bihain long Paga Panthers, husat i gat 15 poin.

Ol tim husat i go pas long lata em Fairstar Tarangau, Fairdeal West, Kone Tigers, Brothers na DCA. Lukluk long stail bilong pilai, tripela top tim bai i givim spes long Air Niugini, Difens na Paga Panthers. Ol dispela tim em Kone Tigers, DCA na Brothers.

Dispela wiken Difens bai i givim strongpela salens stret long Tarangau tim bilong kosa John Wagambie. Bikpela asua liklik em ol soldia i bin pilai long Trinde nait egensim Kone Tigers. Olsem na sapos bikpela bagarap i kamap, Tarangau bai i kisim moa sans long dispela.

Gem bilong Trinde nait em ol soldia i gat gutpela sans long winim long beklain.


Air Niugini bai i bungim strongpela salens bilong Souths long dispela wiken. Tasol wantaim inap ekspirians pilaia, Air Niugini bai i winim dispela gem long pinis bilong namba tu hap.

Paga Panthers i winim sampela gutpela gem pinis. Dispela wiken em bai i givim liklik mekimsave long Kone Tigers, husat i wok long go daun long lata wantaim Brothers.

Brothers bai sruk i go daun moa long lata bihain long dispela wiken. Bikos bikpela bilip i stap olsem West bai i autim em nogut tru.

Brothers em i wanpela gutpela tim long fowat lain. Tasol pilai i save kam indai long beklain. Olsem na dispela bai srukim em i go daun moa.

DCA bai i bungim strongpela salens bilong Waliya. Dispela gem bai i hat gat liklik long makim husat bai i winim. Sapos DCA i winim, ating bai i long liklik skoa tasol. Na dispela i ken strongim sindaun bilong em antap long lata long sampela wik tasol.



• Wanpela Hagen Eagles pilala i kisim taim long tupela Goroka Lahanis pilala. Dispela em long taim ol i bung long namba tu raun bilong Inta Siti Kap resis long Hagen. Goroka i winim dispela gem 40-18. Poto Sape Metta.



## WAGAMBIE'S

WHIP



## Vipers bai i kamap birua gen long dispela yia

INTA Siti ragbi resis bai i kam bek long Mosbi Siti long dispela wiken. Na olupela sempion, Mosbi Vipers bai i bungim Sika Warriors bilong Kundiawa.

Goroka Lahanis i go pas nau long poin lata wantaim 4-pela poin, bihain long tripela raun bilong resis.

Bihain long Lahanis em Hagen Eagles na Vipers husat i gat 4-pela poin tu. Tripela tim husat i ran bihain yet wantaim tupela poin em Lae Bombers, Mendi Muruks, na Kundiawa Warriors.

Ol pilaia bilong Mosbi Vipers i soim olsem ol bai i pait strong long winim gen SP Inta Siti Kap taitel long namba tu yia.

Goroka Lahanis i bin winim ol arapela tim wantaim bikipela skoa. Tasol ol i no inap autim Vipers long pilai graun bilong ol yet long Goroka.

Olsem na mi makim olsem Muruks na Warriors bai i no inap kamap bikipela birua bilong Vipers.

Hagen Eagles i luk olsem wanpela tim tasol husat i ken bungim Mosbi Vipers. Tasol mipela i mas save olsem, wanpela tim husat i pilaim sempion, bai i pilai strong long win.

Olsem na mi bilip ol tim ya bai i traim long mekim toktok bilong mi i rong, olgeta taim ol i pilaim Mosbi Vipers.

Dispela Sande i gat bilip olsem planti gutpela gem bai i kamap long Mosbi Winfield Lig A gret resis.

Fairstar Tarangau bai i bungim Hasting Deering Difens long bikipela gem bilong Sande long 2 klok apinun (2.00pm). Dispela bai i wanpela gutpela strong gem bilong lukim. Na bai i opim bikipela Inta Siti salens namel long Vipers na Warriors.

Difens i no bin pilaim gutpela gem long stat bilong sisen. Tasol long tupela wik i go pinis, ol i stat long paia long winim tupela gutpela gem egensim DCA na Brothers.

Planti gutpela pilaia bilong ol i kam bek nau, na i redi long paia gen. Na tu kosa bilong ol, Geoff Vincin i kam tu. Na bungim wantaim ol pilaia long winim gem nau.

Tarangau i bin kam long longpela rot long 1989 yet, bihain long em i kisim ol pilaia long kain kain tim.

Long 1989 em i pinis namba 6 ples long poin lata. Long 1990 em i pinis long namba tri ples. Na long 1990 em i sindaun long gutpela posisen nau.

Pilaia bilong go pas long kamapim sans bilong skoarim trai, Richard Wagambie i pilai nau long Vipers tim long Inta Siti Kap resis. Narapela gutpela pilaia husat i stap tu long Vipers tim em James Naipao.

James Naipao i kisim ples bilong Weka Lae fran ro posisen. Na i winim namba wan "Man-of-the-Match" long las wiken egensim Goroka Lahanis long Goroka. Dispela em namba wan gem bilong em long Vipers tim.

Mipela i save save tu olsem Hagen Eagles i no wanpela isi tim ya. Olsem na ol tu bai i gat liklik long daunir .

Nupela lo bilong stilim bal long pilaia husat i ran wantaim bal i kam i givim hevi nau long ol referi na pilaia wantaim.

Ol referi i mas stap klostu long hap i birua i takolim pilaia wantaim bal. Dispela em long lukim gut sapos narapela pilaia husat i laik takol i stilim bal, long pilaia em i laik takolim.

Mi lukim long sampela gem we referi i givim penelti long stilim bal, we em i no lukim gut. Dispela em long pilaia i lusim bal em yem, taim ol birua i takolim em.

Wantaim samting tu em referi bai i no lukluk long pilaia ol i takolim wantaim. Taim em i lukluk i go bek, bal i pundaun pinis long graun. Na em (referi) bai i givim tasol penelti long pilaia husat i lusim bal long takol.

Yu tingim sapos wanpela pilaia i ran wantaim bal na i stap 15 mita longwe long trai lain bilong birua tim. Na tu namel stret long tupela gol pos, we wanpela minit tasol bilong pilai bipo long fainal wisil. Na tu tupela tim i pas long skoa.

# VIPERS LUKAUT!

## Kundiawa i redi long nekim "ol niuspepa nem pilaia"

NAMBA 4 raun bilong 1991 SP Inta Siti Kap salens bai i kamap long dispela wiken. Na long Lloyd Robson oval long Mosbi, ol sapota bai i amamas gen long lukim tim bilong ol, Mosbi Vipers i bungim Sika Kundiawa Warriors long Sande 9 Jun, 1991.

Olpela sempion Mosbi Vipers bai i gat gutpela sans long winim dispela gem. Bikos long fil bilong em yet, ol sapota, na gutpela pilai bilong wan wan pilaia. Tasol bikipela salens bai i kam long ol Warriors bilong Kundiawa.

Kundiawa Warriors i winim wanpela gem tasol egensim Lae Bombers 14-10 long namba wan raun, na lusim tupela egensim Mendi Muruks 26-12 na Hagen Eagles 24-4. Tasol ol Warriors i salim bikipela tok lukaut i kam pinis olsem ol nem pilaia bilong Mosbi Winfield Lig, em nem bilong ol i save kamap planti taim long niuspepa na redio i mas lukaut gut.

Olpela Kumul kepten, Bal Numapo bai i go pas long beklain bilong Warriors long insait senta posisen egensim Vipers kepten, Stanley Haru long hap bek posisen.

Numapo bai i poromanim Noah Kool long insait senta posisen. Tupela bai givim bikipela het pen stret long beklain bilong Vipers. Noah na Numapo bai i bungim stail wantaim ol arapela beklain pilaia olsem tupela winga, Peter Dee na Joe Nopro, fulbek Potrie Singapa, na tupela ki pilaia, faiv eit Lucas Kee na hap bek Nixon Pia.

Long fowat lain em ol strongpela hevi fowat olsem John Unagi, John Wamil, Mol Apa, Maima Kawage, Nime Kundin, Albert Ako, John Kawage, na Charlie Guambo bai i lukautim.

Ol Vipers i lusim namba wan gem pinis long Lloyd Robson oval egensim Hagen Eagles 28-26. Kosa Sam Kaia i tokaut pinis olsem Vipers bai winim bek taitel em i bin winim long las yia egensim Hagen Eagles. Kaia i tokaut olsem bihain long Vipers i winim namba gem bilong em egensim Lae Siti Bombers long Lae.



• Winga bilong Mosbi Vipers, Joshua Kouoru i wokabaut i go long sait lain long kolim nek. Dispela em long taim Vipers i bungim Goroka Lahanis long Goroka las wiken. Vipers i winim dispela gem 22-20. Poto Sape Metta.

## Goroka gat sans long autim Lae Bombers

### LEO WAFIWA i raitim

GOROKA Lahanis i gat gutpela sans long autim Lae Siti Bombers. Dispela em long taim tupela i bung long namba 4 raun bilong 1991 SP Inta Siti Kap resis long Goroka

dispela wiken.

Goroka Lahanis i gat sans bikos long planti gutpela as. Sampela bilong ol dispela as em Goroka Lahanis i gat sapota bilong em, na tu em bai i pilai long fil bilong em yet, na namba tri bikipela samting em ol pilaia i bin pilaim moa gutpela

dispela wiken.

Nau yet Goroka Lahanis i go pas long lata wantaim 4-pela poin (lukim poin lata long pes 7). Mosbi Vipers i ran bihain bikos long gol averes.

Long tripela namba wan gem, Goroka Lahanis i autim Mendi

Muruks 41-26, bihain em i givim gut wan long Hagen Eagles 40-18, na las wiken Mosbi Vipers i laki long autim em 22-20.

Lukluk long olgeta skoa i kam nau, Goroka Lahanis bai i wanpela bikipela birua stret bilong dispela resis. Em i winim Mendi na Eagles long bikipela skoa, na lus long Vipers long liklik skoa. Dispela soim olsem ol Lahanis i gat strongpela banis stret bilong Lae Bombers long brukim.

Lukluk long skoa bilong Lae Bombers, em i lusim namba wan gem egensim Kundiawa Warriors 14-10, bihain em i lus gen long Mosbi Vipers 26-14, na las wiken tasol em i resistarim namba wan win egensim Mendi Muruks 16-6.

Lukluk long ol dispela skoa, mipela i ken tok olsem i tru olsem banis bilong Lae Bombers i strong liklik. Tasol em i no wok strong tumas long skoarim moa trai.

Olsem na Lahanis husat i save pilaim strongpela gem bai i gat sans liklik long dispela.

Ol pilaia husat bai i go pas long laip ap bilong Goroka Lahanis em

kumul faiv eit, Opae Soga, hap bek Sam Karara, Tuyo Evei, Ken Kemutafe, Ipisa Wanega, Leslie Hoffman.

Ol bai i salensim ol Bombers olsem insait hap bek Ngala Lapan, David Glipu, huka Michael Matmilo, Andrew Kuno na fulbek Terry Gawi.

Kosa Manken Ramu i tokaut long las wik olsem em i gat bikipela bilip long Bombers i resistarim namba tu win long dispela wiken egensim Goroka Lahanis.

Na narapela gem namel long Mendi Muruks na Hagen Eagles, em Eagles i gat sans long winim. Tasol sapos ol "Kange" i laik pilai kaskas long Muruks, ol bai kisim wankain skul olsem Kundiawa Warriors i bin kisim.

Mendi i bin wanpela gem tasol egensim Kundiawa Warriors 24-4 long las wiken.

Narapela gem bai i kamap namel long olupela sempion, Mosbi Vipers na Kundiawa Warriors long Mosbi. Dispela gem em ol Warriors bai i givim strongpela salens stret long Vipers.



• Kumul hap bek na kepten bilong Mosbi Vipers, Stanley Haru i takolim wanpela pilala bilong Goroka Lahanis long Goroka las wiken. Dispela em long taim tupela i bung long namba tri raun bilong Inta Siti Kap resis. Vipers i laki long winim dispela gem 22-20. Poto Sape Metta.



# Winfield League Results

## WINFIELD LEAGUE RESULTS

### PORT MORESBY - ROUND 15

**TARANGAU** 44, 8 tries, 5 goals, 1 penalty goal defeated **HAWKS** 14, 3 tries, 1 goal. **Man of the match:** T. SAKETE (Tarangau)

**PAGA** 32, 6 tries, 4 goals defeated **DCA** 14, 3 tries, 1 goal. **Man of the match:** DAROA BEN MOIDE (Paga)

**WESTS** 34, 6 tries, 5 field goals defeated **MAGANI** 25, 4 tries, 3 goals, 1 penalty goal, 1 field goal. **Man of the match:** ROBERT MURI (West)

**DEFENCE** 38, 7 tries, 4 goals, 1 penalty goal defeated **BROTHERS** 16, 4 tries. **Man of the match:** SIMON PATIMOS (Defence)

**SOUTHS** 32, 6 tries, 3 goals, 1 penalty goal defeated **ROYALS** 22, 4 tries, 3 goals. **Man of the match:** S. GENOLAGANI

**ANG** 44, 8 tries, 5 goals defeated **KONE** 20, 4 tries, 2 goals. **MAN OF THE MATCH:** LUKE ANDREW (ANG)

### WINFIELD LEAGUE LADDER Round 15

CLUB	GP	W	D	L	PF	PA	Total points
Tarangau	14	11	0	3	448	253	22
West	14	11	0	3	488	329	22
Kone	14	9	0	5	337	316	18
Brothers	14	8	0	6	292	320	16
DCA	14	7	2	5	312	326	16
ANG	14	7	1	6	383	302	15
Souths	13	6	1	6	261	284	13
Magani	13	3	1	9	264	386	7
Waliya	13	3	1	9	276	473	7
Hawks	14	2	0	12	274	421	4
Royals	13	3	1	9	274	364	7

### WINFIELD LEAGUE DRAW PORT MORESBY - ROUND 16

DATE	TIME	CLUB	CLUB
8/6/91	3:30 pm	DCA vs	Waliya
9/6/91	9:30 am	Brothers vs	West
9/6/91	11:00 am	ANG vs	Souths
9/6/91	12:30 pm	Kone vs	Paga
9/6/91	2:00 pm	Defence vs	Tarangau

BYE: Magani

## WINFIELD LEAGUE RESULTS

### WAHGI - ROUND 2

**WEST** 32 defeated **MONDO** 12. **Man of the match:** JIGA TOL

**UNITED** 36, 4 tries, 2 goals defeated **HAWKS** 16. **Man of the match:** KOMUN POK

**TIGERS** 26, 5 tries, 3 goals defeated **MAGANI** 12, 2 tries, 2 goals. **Man of the match:** MATHEW KAPIL

**BROS** 14, 3 tries, 2 goals defeated **TARANGAU** 14, 3 tries, 1 goal. **Man of the match:** Nil

### WINFIELD LEAGUE LADDER ROUND 2

CLUB	GP	W	D	L	PF	PA	Total points
Tigers	12	9	nil	9	224	188	18
United	11	8	1	2	182	116	17
Bross	11	7	nil	2	228	127	14
Tarangau	12	5	1	5	198	154	11
West	11	5	nil	6	190	196	10
Hawks	11	3	nil	8	158	259	6
Mondo	11	3	nil	8	129	192	6
Magani	11	1	nil	10	118	190	2

## WINFIELD LEAGUE DRAW WAGHI - ROUND 3

DATE	TIME	CLUB	CLUB
8.6.91	2.40 pm	Hawks vs	Tarangau
8.6.91	4.10 pm	Magani vs	Bross
9.6.91	2.40 pm	West vs	United
9.6.91	4.10 pm	Mondo vs	Tigers

Match of the round:

9/6/91	4:10 pm	Mondo vs	Tigers
--------	---------	----------	--------

## WINFIELD LEAGUE RESULTS

### KUNDIAWA - ROUND 9

**TIGERS** 14, 3 tries, 2 goals defeated **UNITED** 4, 1 try. **Man of the match:** TINE KAMA (Tigers)

**TARANGAU** 12, 2 tries, 2 goals defeated **BROTHERS** 10, 2 tries, 1 goal. **Man of the match:** JEFFERY KAPIA (Tarangau)

**HAWKS** 16, 3 tries, 2 goals defeated **PANTHERS** 6, 1 try, 1 goal. **Man of the match:** STEVEN BOMAI (Hawks)

### WINFIELD LEAGUE LADDER Round 9

CLUB	GP	W	D	L	PF	PA	Total points
Souths	8	6	-	2	81	42	12
Hawks	9	5	2	2	110	60	12
United	9	5	1	3	82	80	11
Tigers	8	3	1	4	72	52	10
Tarangau	8	2	2	4	60	76	8
Brothers	8	3	1	4	56	75	8
Panthers	8	3	1	4	52	89	7

## WINFIELD LEAGUE DRAW KUNDIAWA - ROUND 10

TIME	CLUB	CLUB
12.30 pm	Hawks vs	Brothers
2.15 pm	Tigers vs	Panthers
4.00 pm	Souths vs	Tarangau

Match of the round:

Souths vs	Panthers
-----------	----------

## WINFIELD LEAGUE RESULTS

### MADANG - ROUND 9

**BROTHERS** 16, 3 tries, 2 goals defeated **AIR NIUGINI** 14, 3 tries, 1 penalty goal. **Man of the match:** PETER WATINCA (Brothers)

**TARAKUM** 36, 7 tries, 4 goals defeated **TIGERS** 28, 5 tries, 4 goals. **Man of the match:** REX APUKA (Tarakum)

**HAWKS** 38, 7 tries, 5 goals defeated **PANTHERS** 14, 3 tries, 1 goal. **Man of the match:** ADU TIMBIN (Hawks)

Ladder and next week draws to be updated by Madang League pending outcome of Judiciary meeting.

## WINFIELD LEAGUE RESULTS

### KAINANTU - ROUND 9

**NAMASU TIGERS** 20, 4 tries, 1 goal, 1 penalty goal defeated **BUNDEX TARANGAU** 12, 2 tries, 2 goals. **Man of the match:** KOKOVE TIFATI (Tigers)


**AIYURA UNITED** 14, 3 tries, 1 goal defeated **KANARE ROYALS** 12, 3 tries. **Man of the match:** DAVID GUDIRI (Aiyura United)

**K.K.B BROTHERS** 18, 4 tries, 1 goal defeated **MOBIL HAWKS** 10, 2 tries, 1 goal. **MAN OF THE MATCH:** NATEO NIP (K.K.B. Brothers)

The game between Panthers & Magani has been postponed until Wednesday 5.6.91.

### WINFIELD LEAGUE LADDER Round 9

CLUB	GP	W	D	L	PF	PA	Total points
Panthers	8	5	3	-	109	76	13
Tarangau	9	6	-	3	174	134	12
United	9	4	1	4	121	104	9
Brothers	9	4	1	4	89	92	9
Tigers	9	4	1	4	114	126	9
Royals	9	4	-	5	146	143	8
Magani	8	3	-	5	94	127	6
Hawks	9	2	-	6	72	134	4



James Naipao wantaim Joshua Kouoru bilong Mosbi Vipers i laik takollm Goroka Lahanis pilala las wiken. Vipers i win 22-20. Poto Sape Metta.

Richard Wagamble bilong Vipers i pusim ol Goroka Lahanis pilala las wiken. Poto Sape Metta.

## WINFIELD LEAGUE DRAW KAINANTU - ROUND 10

DATE	TIME	CLUB	CLUB
9.6.91	12.00	Brothers vs	Royals
9.6.91	1.35	Magani vs	Tigers
9.6.91	3.10	Tarangau vs	Panthers
2.6.91	4.45	United vs	Hawks

Match of the round:

Tarangau vs	Panthers
-------------	----------

## WINFIELD LEAGUE RESULTS

### GOROKA - ROUND 9

**HAWKS** 20 defeated **TIGERS**. Match won on forfeit.

**TARANGAU** 40, 8 tries, 4 goals defeated **SIANE** 16, 3 tries, 2 goals. **Man of the match:** OMBI MARTIN (Tarangau)

**BROTHERS** 20, 3 tries, 3 goals, 1 penalty goal defeated **DARNO** 10, 2 tries, 1 goal. **Man of the match:** ROBIN MIAKAVE (Darno)

**COUNTRY** 17, 3 tries, 2 goals, 1 field goal defeated **ROYALS** 14, 3 tries, 1 goal. **Man of the match:** SIMAE AMALE (Country)

## WINFIELD LEAGUE LADDER Round 9

CLUB	GP	W	D	L	PF	PA	Total points
Hawks	8	6	-	2	203	158	12
Tarangau	8	5	1	2	202	111	11
Country	8	5	1	2	181	139	11
Tigers	8	5	-	3	181	145	10
Brothers	8	5	-	3	172	160	10
Royals	8	4	-	4	160	177	8
United	8	1	1	6	122	191	3
Siane	8	1	1	6	122	227	3
Darno	8	-	1	7	96	158	1

## WINFIELD LEAGUE DRAW GOROKA - ROUND 10

DATE	TIME	CLUB	CLUB
9/6/91	11.30 am	Tarangau vs	United
9/6/91	1.00 pm	Siane vs	Darno
9/6/91	2.30 pm	Brothers vs	Royals
9/6/91	4.00 pm	Tigers vs	Country

Match of the round: Tigers vs Country

## WINFIELD LEAGUE RESULTS

### MENDI - ROUND 3

**BROTHERS** 12, 2 tries, 2 penalty goals drew **MAGANI** 12, 1 try, 1 goal, 3 penalty goals. **Man of the match:** PAUL TIA

**BULLDOGS** 22, 4 tries, 3 goals defeated **TARANGAU** 20, 4 tries, 2 goals. **Man of the match:** BRUCE PAKI

**HAWKS** 26, 4 tries, 3 goals, 2 penalty goal defeated **ROYALS** 24, 4 tries, 4 goals. **Man of the match:** JOHN BITO (No. 6) Hawks

### WINFIELD LEAGUE LADDER Round 3

CLUB	GP	W	D	L	PF	PA	Total points
Bulldogs	9	6	-	3	125	150	12
Royals	9	5	-	3	170	124	10
Tarangau	9	5	-	4	142	122	10
Hawks	9	4	1	4	168	158	9
Magani	9	3	1	5	120	171	7
Brothers	9	2	2	5	160	146	6

## WINFIELD LEAGUE DRAW MENDI - ROUND 4

DATE	TIME	CLUB	CLUB
15/6/91	3.10 pm	Brothers vs	Tarangau
16/6/91	1.50 pm	Magani vs	Royals
16/6/91	3.10 pm	Bulldogs vs	Hawks

Match of the round:

16/6/91	3:10 pm	Bulldogs vs	Hawks
---------	---------	-------------	-------

## WINFIELD LEAGUE RESULTS

### MT. HAGEN - ROUND 8

**ROYALS** 20, 3 tries, 3 goals, 1 penalty goal draw **TIGERS** 20, 4 tries, 1 goal, 1 penalty goal. **Man of the match:** PALUS KERUA

**COUNTRY** 22, 4 tries, 3 goals defeated **HAWKS** 16, 4 tries. **Man of the match:** JOE TEP

**NEWTOWN** 22, 5 tries, 1 penalty goal defeated **TARANGAU** 16, 3 tries, 1 goal, 1 penalty goal. **Man of the match:** IGANATIUS DUMA

### WINFIELD LEAGUE LADDER Round 8

CLUB	GP	W	D	L	PF	PA	Total pts
Tigers	7	5	1	i	202	102	11
Newtown	7	4	1	2	96	86	9
Tarangau	7	4	-	3	122	124	8
Hawks	7	4	-	3	134	118	8
Brothers	6	2	1	3	88	130	5
Country	7	2	-	4	130	156	4
Royals	7	1	1	5	128	160	3

## WINFIELD LEAGUE DRAW MT. HAGEN - ROUND 9

CLUB	CLUB
Tigers vs	Country
Royals vs	Tarangau
Hawks vs	Brothers

Match of the round:

8/6/91	4.00	Hawks vs	Brothers
--------	------	----------	----------

## WINFIELD LEAGUE RESULTS

### RABAU - ROUND 9

**TARANGAU** 68, 11 tries, 8 goals defeated **CRUSADERS** 4, 1 try. **Man of the match:** JOHN PAUL (Tarangau)

**BROTHERS** 10, 2 tries, 1 goal defeated **NORTH RAIDERS** 6, 1 try, 1 penalty goal. **Man of the match:** DAVID PORIKARI (Brothers)

**MURUKS** 36, 7 tries, 3 goals, 1 penalty goal defeated **BALA** 5, 2 goals. **Man of the match:** PHILIP NGATA (Bala)

**SEA EAGLES** 27, 5 tries, 2 goals, 1 penalty goal, 1 field goal defeated **AIR NIUGINI** 16, 3 tries, 1 goal, 1 penalty goal. **Man of the Match:** JOE ROVA

### WINFIELD LEAGUE LADDER ROUND 9

CLUB	GP	W	D	L	PF	PA	Total points
Norths	9	8	-	1	243	84	16
Air Niugini	9	6	1	2	221	156	13
Muruks	9	6	1	2	230	179	13
Brothers	9	6	-	3	172	115	12
Sea Eagles	9	4	-	5	199	189	8
Bala	9	3	-	6	167	260	6
Tarangau	9	2	-	7	164	221	4
Crusaders	9	0	-	9	130	322	0

## WINFIELD LEAGUE DRAW RABAU - ROUND 10

DATE	TIME	CLUB	CLUB
8/6/91	2.15 pm	Crusaders vs	Sea Eagles
8/6/91	3.45 pm	North Raiders vs	Btaman
9/6/91	2.15 pm	Air Niugini vs	Tarangau
9/6/91	3.45 pm	Muruks vs	Brothers

## WINFIELD LEAGUE RESULTS</



# NOTEN SON TAITEL FIVA NAU

WEWAK bai i kamap isi tasol long Noten Son sempionsip dispela wiken long Kainantu.

Dispela bai i namba wan taim bilong ol Gawi long soim pes gen bihain long dispela bikpela resis, bihain long 5-pela yia samting.

Wewak Lig i bin tokaut long tim bilong em long tripela wik i go pinis. Na tim i bin lusim Wewak long las wik yet. Nau yet tim i mas kamap pinis long Kainantu. Bikos em i bin lusim Wewak long Faride 31 Me, 1991.

Lig presiden, Joe Mandé i tok, "Mipela i save olsem i gat strongpela salens long bungim. Tasol wantaim 8-pela eksperiens pilaia na sampela gutpela yangpela pilaia, mipela bai i traim long daunim dispela salens."

Ol pilaia husat i gat nem long ripresentativ futbol na bai karim nem bilong Wewak em Peter Niaga, Alex Anis, Christ Mek na Paul Lapu.

Ol arapela gutpela pilaia insait long tim em fulbek Peter Tubaia, ausait senta Freedy Sawimbari, faiv eit Herman Wara, na hap bek Anton Waiye.

Namba wan tim Wewak bai i bungim long dispela sempionsip em Kainantu. Dispela bai i wanpela strongpela resis, na Kainantu i gat bikpela sans long winim.

Bikos ol pilaia bilong Kainantu i pilaim ragbi lig long longpela taim i kam inap nau, we i nogat malolo olsem Wewak. Tasol Kainantu i mas sambai gut. Bikos nogut ol Gawi i tanim tebol olsem long 1984 sempionsip.

WEWAK LAIN AP:


1. Benny David
2. Riso Koyo
3. Kasina Manki
4. Samson Oiyufa
5. Junia Suka
6. Mogia Vemin
7. Malum Oiyufa
8. Petrus Bangomo
9. Lofty Amao
10. Bisop Baru
11. James Nupu
12. Obert Aibito
13. Robson Baru

OL RISEV PILAIA:

14. Barry Maip
15. Baba Teme
16. Joseph Gabriel
17. Samson Hupao

OL OPISAL:

Menesa: Roy Dingu  
Kosa: Francis Matmilo  
Trena: Philip Weri



Johannes Koala bilong Mosbi Vipers i laik mekim dai olgeta long wanpela Goroka pilala.

Dispela em long taim ol i bung long namba tri raun bilong SP Inta Siti Kap resis long Goroka las wiken. Mosbi Vipers i winim dispela gem 22-20. Poto Sape Metta.

## Kainantu i sambai tasol

KAINANTU Winfield Lig i redi pinis long lukautim Noten Son sempionsip long dispela Kwins Betde wiken.

Ripot i kam long Kainantu i tok olgeta samting i redi, na ol opisal bilong Kainantu Lig wantaim ol manmeri long Kainantu taun i amamas tru long lukim dispela bikpela sempionsip.

Dispela bai i namba

wan taim bilong Kainantu long lukautim wanpela bikpela ragbi lig resis. Olsem na olgeta manmeri long Kainantu taun, na ol ples arere i amamas na redi long lukim dispela sempionsip.

Long dispela wiken yet em Aiyura Nesene haikul long Kainantu bai i holim Bikpela De bilong em tu. Olsem na Kainantu bai i pulap long kain kain manmeri

dispela wiken long lukim Noten Son sempionsip wantaim singsing tumbuna em ol studen bai putim kamap.

Olgeta pilai bai i kamap long nupela ragbi lig oval hap sait long bikpela haus sik.

Dispela oval i stap long olpela ples balus, beksait long ol haus slip bilong PNGBC Beng.

Kainantu i makim tim bilong em pinis long

dispela resis. Tim i gat ol nem pilai olsem Benny David, Kasina Manki, Junia Suka, Malum Oiyufa, Petrus Bangomo, Bisop Baru, Samson Hupao na Joseph Gabriel.

Joseph Gabriel na Samson Hupao i bin pilai long Noten Son tim. Petrus Bangomo i bin pilai olsem prop bilong Hailans Son bipo.

KAINANTU LAIN AP:

1. Peter Tubaia
2. Julius Taliu
3. Paul Lapu
4. Freedy Sawimbari
5. Robert Ason
6. Herman Wara
7. Anton Waiye
8. Peter Niaga
9. Nelson Nilkare
10. Nelson Kame
11. Christ Mek
12. Linus Sowan
13. Alex Anis

OL RISEV PILAIA:

14. Balme Tony
15. Willie Biare
16. Paul Kanaba
17. Peter Manji

OL OPISAL:

Menesa: J. Dicks  
Kosa: A. Jerewai  
Trena: Aga Vele

## Tigers i autim Tarangau 22-12

TIGERS i soim olsem em i gat moa pawa long Kainantu Winfield Lig na i autim Tarangau 22-12. Dispela em long taim tupela i bung long bikpela A gret gem long namba tu raun bilong Wik 9 resis long las Sande.

Planti manmeri i bin kamap long lukim dispela gutpela strongpela gem.

Tigers i bin go pas long skoa 12-8 bihain long gutpela strongpela pilai long namba wan hap.

Long stat bilong pilai, ol pilaia bilong tupela tim wantaim i pilaim strongpela gem stret, na pilai i go i kam long sait bilong tupela wantaim. Ol fowat pilaia i mekim ol strongpela ran stret taim ol i kisim bal.

Bihain long 10-pela minit bilong namba wan hap, Tigers i pilaim gutpela pilai long beklain, na salim insait senta Aiyo Ufipo i skoarim namba wan trai klostu long tupela gol pos. Kokova Tivati i kikim gut kik bilong tupela poin, na Tigers i go pas long skoa 6-0.

Bihain long dispela trai Tigers i kisim wanpela penelti kik na skruim

skoa i go 8-0.

Tasol 5-pela minit bihain long dispela trai, strong bilong pilai i go i kam long tupela sait wantaim. Rat Tivati bilong Tarangau i sait step na abrusim ol Tigers pilaia na spit i go skoarim wanpela trai bilong Tarangau. Kik bilong gol i no karim kaikai na Tarangau i ran bihain 8-4.

I no longtaim Tarangau i skoarim namba trai bilong em. Kik bilong gol i no karim kaikai na Tarangau i bungim Tigers 8-8.

Namba tu trai bilong Tarangau i kamap bihain long gutpela ran bilong hap bek Malum Oiyufa. Malum husat i stap insait nau long Kainantu tim bilong Noten Son resis i sait step na spit i go skoarim dispela trai.

Tasol ol pilaia bilong Tigers i wok long paia yet. Long gutpela strongpela ran wantaim takol, na ol i skoarim wanpela moa trai. Kik bilong gol i no karim kaikai na Tigers i go pas 12-8.

Dispela skoa i bin stap olsem inap hap taim.

## Ol yangpela blut makim Wau Bulolo

OL eksekutyiv bilong Wau Bulolo Lig i makim pinis tim bilong Noten Son sempionsip.

Noten Son sempionsip bai i kamap long Kainantu long dispela Kwins Betde wiken.

Ol eksekutyiv bilong Wau Bulolo Lig i amamas bikos dispela tim i gat planti yangpela pilaia i stap insait long en.

Dispela bai i kamapim gutpela tingting insait long ol yangpela pilaia. Na bai pusim ol long putim kamap gutpela gem. Hia em nem bilong ol pilaia husat i stap insait long tim:

Paul Niaga (Roosters), Ricky Lama, Wambin Buno (Panthers), David Buko, William Kennedy, Samuel Kapo, Malma Wera, Vele Gabu, Donatu Nohu (Tigers), Yawing Joseph, Sionet Kapusie, Peter Pasingan, Kop Javetave, Samuel Kawala, Taulu Bouil, Tipeo Iyagumo (Brothers), Lesley Palma, Dickson Porkana (Norths), Tau Meda na Ruben Kasu (Raiders).

Ol opisal bilong tim em Lukas Leo (tim menesa), Kone Henry (kosa), Simon Kapl (asisten kosa), Petu Saun (trena), na Leo Jacob (asisten trena).

Ol opisal i gat bikpela bilip long ol pilala husat bai i makim ol long Noten Son sempionsip.

Asisten trena bilong tim, Simon Kapl i bilip olsem ol opisal bilong Noten Son bai i makim tupela o tripela pilala bilong em long Noten Son tim.



Strongpela fowat pilala bilong Fairdeal West A gret tim, Gideon Kouoru i lak brukim wanpela takol bilong Magani long las Sande long Lloyd Robson oval. West i laki na winim dispela gem 34-25. Gideon em wanpela olpela Kumul fowat pilala. Poto Misako Elemlah.



# Difens i sambai long winim Tarangau

## MOSBI RIPOT

### LEO WAFIWA i raïtim

HASTING Deering Difens bai i pretim kompetisen lida, Fairstar Tarangau long bikpela A gret gem bilong Mosbi Winfield Lig long dispela Sande.

Dispela gem bai i kamap long Lloyd Robson oval bipo long bikpela SP Inta Siti Kap salens namel long olupela sempion, Mosbi Vipers na Kundiawa Warriors.

Difens i no bin pilaim gutpela gem tumas long stat bilong sisen i kam inap sampela wik i go pinis. Tasol wantaim kam bek bilong olupela kosa, Geoff Vincin, Difens i stat long paia na winim pinis tupela gem wantaim gutpela stail. Vince i bin kosim Difens i go long grenfainal bilong las yia egensim brothers, and ol i win.

Tupela wik i go pinis Difens i

waraim stret ol boi Porebada bilong DCA, 68-16 na las wiken ol i nekim Brothers 38-16. Brothers em wanpela bilong ol top tim long lata.

Difens i bin winim dispela tupela gem wantaim gutpela beklain pilai. Kosa Geoff i tokim RLN olsem, "Mi lukluk gen long wanpela moa win long dispela wiken." Tasol dispela bai i hangamap liklik long mid wik gem egensim yangpela strongpela Kone Tigers tim.

"Mipela bai i lukluk tasol long gem bilong Trinde nait sapos planti pilaia i kisim bagarap o nogat. Bikos nau yet planti klap i no save pilaim gutpela gem long wiken, bihain long mid wik gem," Geoff i tok.

Geoff i tokaut olsem Difens i bin winim tupela gem i go pinis long beklain tasol. Olsem na em bai i lukluk gen long ol beklain pilaia long winim gem. "Tasol mipela i pilai olsem wanpela tim. Olsem na mi i no inap makim ol ki pilaia

husat em Difens bai i strong long dispela wiken."

Ol pilaia husat bai i lukautim beklain long dispela wiken em tupela winga, Arnold Krewanty na James Miri, wantaim insait senta Joe Garap, ausait senta Jack Uradok na fulbek Mathias Kitimon.

Ol bai i kisim sapat bilong tupela ki pilaia, hap bek Lukas Agi na faiv eit Tony Dapel. Long fowat lain em huka Alex Togola wantaim Simon Patimos bai go i pas.

Geoff i tok, "I tru olsem Tarangau i gat ol bikpela hevi fowat pilaia moa long Difens. Tasol mi bai lukluk long ol fowat bilong mi long brukim banis na setim ol beklain pilaia."

Difens i kamap klostu nau long kisim wanpela bilong fainal top 5 posisen. Olsem na em i mas mekim olgeta samting em i ken long winim Tarangau.

Nau yet em i lusim pinis tripela namta wan fowat pilaia bilong

em. Nem bilong ol em Kera Ngafin, Johannes Koala na Kumul fowat, Kes Paglipari.

Fairstar Tarangau i go pas nau long lata wantaim sampela gutpela win pinis. Bikpela tingting bilong klap nau em long winim 1991 Mosbi Winfield Lig primiasip taitel.

Long 14 sisen propagem bilong dispela sisen, Tarangau i winim 11-pela na lusim tripela. Ol tripela gem ya em Tarangau i lusim long liklik skoa tasol.

Long namba wan bung bilong tupela long namba wan raun bilong resis, Tarangau i autim tiket bilong ol soldia. Nau yet Tarangau em feveret tim bilong winim namba tu bung. Tasol bikpela salens bai i kam long ol soldia boi olsem kosa John Wagambie i tok, "Salens bai i kam long Difens, i no mipela. Tasol mipela bai bungim ol olsem ol i kam."

Wagambie i amamas long gem

bilong ol manki bilong em long las wik egensim Hawks we ol i win long gutpela skoa.

Ol fowat pilaia olsem Ben Biri, Kipel Kanaka, huka Tara Koræ, na Terry Longbut husat i bin go insait long hap taim i pilaim gutpela gem stret. Wagambie i tok ol fowat bilong em i gat moa hevi long fowat lain bilong Difens. Na em i laikim ol long pilaim wankain gem olsem las wiken.

Long beklain em bikpela wok bilong takol i mas kamap. Bikos tupela tim wantaim i gat wankain stail bilong pilai. Kepten Richard Wagambie i pilai nau long Vipers tim. Olsem na beklain bilong Tarangau bai i lusim em. Nara-pela pilaia Tarangau i lusim tu long fowat lain em James Naipao. Naipao tu i stap insait nau long Vipers tim stat long las wiken.

Faiv eit Elias Paiyo bai i i kisim ples nau na lukautim beklain pilai long insait senta posisen olsem las wiken.



• Stail pilaia bilong Souths, John "Resa" Harry i redi long takolim fulbek bilong Royals wantaim bal. Pilsman ya i no gat rot long go bikos narapela Souths pilaia i banisim em long baksait. Souths i strong na winim dispela gem 32-22. Poto Misako Elemiah.

## Paul Nelson nogat sans long 1991 sisen

i kam long pes 2

Paul Nelson em wanpela bilong ol soka pilaia husat i pilai ragbi nau. Em i bin makim pilaia bilong Mosbi Winfield Lid resis. Na i save pilai long Brothers A gret tim.

"Aquila em i olsem wanpela brata long mi. Taim mi no pilim gutpela, em i save toktok na mekim mi i pilim gutpela liklik."

"Na tu sampela mamba bilong Paga Klap na sinia opisal i toktok long mi, na mekim mi pilim gutpela liklik," em i tok.

"Bos bilong mi i save laikim pilai bilong mi. Olsem na em i save givim gutpela sapat stret long mi. Olgeta apinun em i save larim mi na wan wok bilong mi, Aquila Emil i go long trening. Na dispela i apim tru stail bilong pilai mitupela i save pilaim. Na tu long wok wantaim insait long opis."

Paul Nelson em wanpela bilong ol soka pilaia husat i pilai ragbi nau. Em i bin makim pilaia bilong Mosbi Winfield Lid resis. Na i save pilai long Brothers A gret tim. Mune i stap i pilai nau wantaim Air Niugini A gret tim long senta posisen.

Long 1989 Paul Nelson i stat pilai ragbi long Kimbe. Wankain taim em i mekim nem long Ailan Son Junia skwat. Na bihain i go insait long Kumul Junia skwat. Dispela em bihain long wanpela pren, Francis Paul i grisim em long pilai.

Las yia i bin wanpela gutpela yia bilong Paul Nelson. Dispela em bihain long em i lusim Kimbe na trense i kam wok wantaim Consort Shipping kampani long Mosbi.

Long pinis bilong las yia ol i bin

winim primia kap bilong namba wan divisen.

Las yia yet, Paul Nel-

son i makim Papua Niugini long Pasifik Kap long Tonga.



• Paul Nelson i sanap long ralthan long namba wan raun bilong resis egensim Magani long Lloyd Robson oval.

### 1991 SP INTA SITI LATA - RAUN 3:

TIM	GP	W	D	L	PF	PA	PTS
Goroka	3	2	0	1	101	66	4
Mosbi	3	2	0	1	74	62	4
Hagen	3	2	0	1	70	70	4
Mendi	3	1	0	2	58	69	2
Lae	3	1	0	2	34	56	2
Kundiawa	3	1	0	2	30	60	2

• Tim husat i win bai kisim tupela poin.



### SP INTA SITI KAP DRO

(TIM HUSAT BAI I PILAI LONG SENTA BILONG EM YET EM NEM BILONG EM I KAMAP PAS LONG DRO)

#### WEEK 1 - SUNDAY 19TH MAY

Port Moresby Vipers vs Wamp-Nga Mt Hagen Eagles  
Collings & Leahy Goroka Lahanis vs Curtain Star Mendi Muruks  
Sika Kundiawa Warriors vs LBC Lae City Bombers

#### WEEK 2 - SUNDAY 26TH MAY

Curtain Star Mendi Muruks vs Sika Kundiawa Warriors  
Wamp-Nga Mt Hagen Eagles vs Collins & Leahy Goroka Lahanis  
LBC Lae City Bombers vs Port Moresby Vipers

#### WEEK 3 - SUNDAY 2ND JUNE

LBC Lae City Bombers vs Curtain Star Mendi Muruks  
Collins & Leahy Goroka Lahanis vs Port Moresby Vipers  
Sika Kundiawa Warriors vs Wamp-Nga Mt Hagen Eagles

#### WEEK 4 - SUNDAY 9TH JUNE

Wamp-Nga Mt Hagen Eagles vs Curtain Star Mendi Muruks  
Port Moresby Vipers vs Sika Kundiawa Warriors  
Collins & Leahy Goroka Lahanis vs LBC Lae City Bombers

#### WEEK 5 - SUNDAY 16TH JUNE

Curtain Star Mendi Muruks vs Port Moresby Vipers  
Sika Kundiawa Warriors vs Collins & Leahy Goroka Lahanis  
LBC Lae City Bombers vs Wamp-Nga Mt Hagen Eagles

#### WEEK 6 - SUNDAY 23RD JUNE

Wamp-Nga Mt Hagen Eagles vs Port Moresby Vipers  
Curtain Star Mendi Muruks vs Collins & Leahy Goroka Lahanis  
LBC Lae City Bombers vs Sika Kundiawa Warriors

#### WEEK 7 - SUNDAY 30TH JUNE

Sika Kundiawa Warriors vs Curtain Star Mendi Muruks  
Collins & Leahy Goroka Lahanis vs Wamp-Nga Mt Hagen Eagles  
Port Moresby Vipers vs LBC Lae City Bombers

(N. B. PNG

VS FRANCE)

#### WEEK 8 - SUNDAY 14TH JULY

Curtain Star Mendi Muruks vs LBC Lae City Bombers  
Port Moresby Vipers vs Collins & Leahy Goroka Lahanis  
Wamp-Nga Mt Hagen Eagles vs Sika Kundiawa Warriors

#### WEEK 9 - SUNDAY 21ST JULY

Curtain Star Mendi Muruks vs Wamp-Nga Mt Hagen Eagles  
Sika Kundiawa Warriors vs Port Moresby Vipers  
LBC Lae City Bombers vs Collins & Leahy Goroka Lahanis

#### WEEK 10 - SUNDAY 28TH JULY

Port Moresby Vipers vs Curtain Star Mendi Muruks  
Collins & Leahy Goroka Lahanis vs Sika Kundiawa Warriors  
Wamp-Nga Mt Hagen Eagles vs LBC Lae City Bombers

PRELIMINARY FINAL - 4 AUGUST - VENUE T.B.A.  
FINAL - 11 AUGUST - PORT MORESBY



# Stail bilong Brothers na Magani i pundaun

## LAE RIPOT

### SAM YAKAM I raitim

OL eksekutiv na sapota bilong Lae Winfield Lig i no amamas long kain pilai ol pilaia bilong Brothers na Magani klap i bin pilaim long las wiken.

Magani i mas bringim olgeta tingting bilong ol pilaia i kam wantaim long mekim stended bilong pilai i goap. Risal bilong ol arapela A gret gem long las wiken em Tarangau i daunim Brothers 28-17, na Wopa Tigers i bagarapim sindaun bilong Magani 51-0.

Bipo long semi final resis bilong dispela sisen, Magani na Brothers i mas putim

kamap strongpela gem, na traim long strongim olgeta posisen.

Wanpela bikipela hevi i stap namel long Brothers na Magani. Bikos Inta Siti Kap resis i pulim sampela gutpela pilaia i go aut long pilai. Na dispela i givim bikipela spes long posisen bilong pilai long lain ap bilong tupela.

Ol eksekutiv bilong Lae Winfield Lig i no wanbel tru long pilai bilong Magani na Brothers taim Inta Siti Kap resis i kamap. Ol i tok planti pilaia i no amamas long putim kamap strongpela gem.

Na tu ol i putim ai long ol pilaia husat i makim nem bilong klap long Inta Siti Kap tim "Lae Bombers."

Dispela i no soim gutpela pasin bilong spotman. Na tu i soim olsem ol dispela klap i strong tasol long wanpela o tupela pilaia tasol long mekim stended bilong pilai i goap.

Ol eksekutiv i tok 6-pela gem bilong dispela sisen i stap yet

bipo long final.

Na Magani wantaim Brothers na ol arapela tim husat i stap daunilo long 6, 7, na 8 posisen i mas kamap wantaim sampela tingting sapos ol i laik i stap insait wantaim ol arapela 4-pela tim long resis long top posisen.

Magani i stap long namba 8 ples long lata. Na Brothers i sindaun long namba 5 ples. Dispela i soim olsem

Brothers i gat sans liklik long winim wanpela bilong 4-pela top posisen.

Tasol dispela sans bai i kamap sapos ol pilaia i putim het na pilai bung wantaim

olsem wanpela tim. Wankain wok bung i mas kamap long Magani tu, sapos em i gat bikipela laik long pilai i go insait long final.

Magani i mas wok strong moa long winim

ol arapela 6-pela gem, sapos em i laik strongim dispela tingting. Dispela bai i givim em inap spes long pilai long final.

Dispela wiken bai i nogat gem bikos long

Kwins Betde wiken. Tasol ol eksekutiv bai i tingting long putim kamap ol arapela samting, na tu painim ol gutpela rot bilong bringim stended bilong olgeta tim i go antap.



• Paul Kas bilong Eagles i kisim gut wan stret long Danny Akepa bilong Goroka Lahanis. Max Tiri i sambai tasol. Dispela em long taim tupela i bung long namba tu raun bilong Inta Siti resis long Goroka. Goroka i winim dispela gem 40-18. Poto Sape Metta.

## Brothers bungim Muruks

### RABAUl RIPOT

RABAUl Winfield Lig bai i go insait long raun 10 bilong sisen propa resis long dispela wiken. Na bikipela A gret gem bilong dispela wiken bai i kamap namel long NGIP Muruks na Brothers.

Brothers i bin holim pasim ai bilong planti sapota long las wiken pinis. Dispela em long taim ol pilaia bilong em i daunim strong bilong Norths Raiders 10-6.

Dispela em i namba wan taim Brothers i daunim Raiders. Bikos Raiders i no lusim wanpela gem long sisen propa resis bilong dispela sisen i kam inap las wiken.

Las wik Brothers i bagarapim sindaun bilong Raiders, bikos ol i pilaim gutpela gem stret olsem wanpela tim. Dispela kain pilai i holim pasim stret tingting bilong olgeta pilaia long daunim nem bilong Raiders.

Ol i pilaim strongpela gem, na tu putim planti gutpela stail we ol

sapota i amamas long lukim.

Dispela wiken ol (Brothers) bai i traim bun wantaim nem tim, NGIP Muruks.


Las wiken ol pilaia bilong Muruks i pilai gut na autim Magani.

Tasol dispela wiken ol i mas stretim olgeta asua bilong ol, bipo ol i kisim fil long Sande.

Bikos Brothers i gat strongpela tingting long putim ol wankain pilaia olsem bilong las wiken. Na tu wantaim wankain stail na strong olsem las wiken.



• Winga bilong Hagen Eagles, Christ Itam i laik takolim wanpela pilaia bilong Goroka Lahanis na i abrus. Olsem na Goroka i win 40-18. Poto Sape Metta.



• Kain pilai bilong Hagen Eagles na Goroka Lahanis long namba tu raun bilong Inta Siti resis long Goroka.

# Winfield League '91



# SPAKINIA



## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus. PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!



PAPUA NEW GUINEA BANKING CORPORATION





# REBO na AUDA

TAIM OL I LAIK GO BEK LONG HAUS NA REBO TINGIM BAL...



REBO TANIM NA LUKIM BAL I STAP LONG WE TRU LONG SOLWARA... SOLWARA KARIM BAL I GO...



HARIAP TRU REBO RON I GO DAUN LONG NAMBIS NA BIHAINIM BAL...



EM SWIM I GO NA KAMAP LONG HAP I DIP LONG EN... TASOL BAL I LONG WE YET...



REBO I KISIM TAIM STRET... MEKIM I GO NA EM KAMAP LONG BAL...




TUPELA MASTA NA MISIS LUKIM EM NA GO HELPIM EM...




OL SAVEMAN BILONG BISNIS YUSIM OL!


**Lister**




LT1 5 K.V.A.  
 • TOTALLY PORTABLE ENERGY SOURCE  
 • IDEAL UNIT FOR VILLAGE LOCATIONS



TS2 8.5 K.V.A.  
 • 3 PHASE OR SINGLE PHASE POWER  
 • COMPACT AND EFFICIENT



HR3 28.25 K.V.A.  
 • IDEAL COMMERCIAL BACKUP SYSTEM



CS6 58 K.V.A.  
 • INDUSTRIAL CAPACITY  
 • WILL HANDLE MAXIMUM DEMAND FOR POWER ANYTIME

**Brian Bell Stores**


• BOROKE — 25 5411  
 • LAE — 42 3377  
 • GOROKA — 72 1098

• MT. HAGEN — 52 1999  
 • RABAUL — 92 1966

# Phantom




# Flash Gordon



# MICKY MOUSE

Walt Disney







# HIGHLANDS DARTS CHAMPIONSHIPS

DATES : 7th, 8th, 9th & 10th June, 1991

TIME : 12.00 noon each day

VENUE : GOROKA HOTEL

## PRIZES

K500	Champion Team
K200	Runner-Up Team
K 50	Highest Scorer
K 50	Highest Checkout

*SEE YOUR LOCAL DARTS ASSOCIATION  
FOR FURTHER DETAILS.*

**SPEAR**

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.